



禮記

由禮

檀弓

五
六

服部文庫
117
190
4



117
190
4

禮記註疏卷第五

漢鄭氏註

唐孔穎達疏

曲禮下

五官之長曰伯

伯謂為三公者周禮九命作伯○長竹丈反後

皆是職方**伯**職主也是伯分主東西者春秋傳曰自

陝以東周公主之自陝以西召公主之一相處乎內

是或為氏○陝式冉反依字當作陝何休註公羊傳云弘農陝縣是也一云當作邾古洽反謂

王城邾邾也召時照反**伯**五官至職方正義曰此又作邵音同相息亮反**伯**一節總論二伯及州牧諸

狹

擯於天子也注擯者辭也者句可刪蓋採自馬融

侯等稱謂今各依文解之。五官之長曰伯畿外之
 大莫大於二伯故此先言之也。五官者即司徒以下
 五官也。云長者謂三公無職故不在五官之中。即三
 公加一命出為分陝二伯者也。伯長也。謂朝廷之長
 言此二伯為內外官之長是職方者言二伯於是職
 主當方之事也。職主至乎內。正義曰引公羊
 傳證周家二伯所主之事隱五年公羊傳云天子三
 公者何天子之相也則何以三自陝而東者周公主
 之自陝而西者召公主之一相處乎內又案三公八
 命者堯時為四伯故詩崧高註云當堯時姜氏為四
 伯至堯之末分置八伯故虞書傳云元祀巡守四岳
 八伯舜之元祀有八伯明堯未置之夏則無文殷則
 改置二伯與周同故王制云八州八伯又云天子之
 伯又云天子之老二人曰二伯是也。其擯於天子也
 曰天子之吏。擯者辭也。春秋傳曰王命委之三吏
 謂三公也。擯必刃反。天子同姓謂之伯父異姓謂

之伯舅自稱於諸侯曰天子之老於外曰公於其國
 曰君。稱之以父與舅親親之辭也。外自其私土之
 外天子畿內。天子謂之伯父本。其擯至之吏。二
 伯也。擯謂天子接賓之人也。若擯者傳辭於天子則
 稱此二伯為天子之吏也。亦當言名也。記者畧可知
 也。然擯呼在朝三公亦為天子之吏。若然玉藻云伯
 曰天子之力臣者謂介傳命稱天子力臣擯者受辭
 傳於天子則曰天子之吏。擯者至公也。正義
 曰引證呼三公並為吏之意也。此左傳成二年晉使
 鞏朔獻齊捷于王。王命委之三吏。杜預註云三吏三
 公也。於時王不見鞏朔。王命委付三公接對之故云
 委之三吏。天子同姓謂之伯父者此三公與王同
 姓者。王呼為伯父。伯者長大之名。父乃同姓重親之
 稱也。異姓謂之伯舅。伯舅者長大之名也。異族無
 父稱。故呼為伯舅。亦親之故也。案晉文公為二伯左

傳僖二十八年云王曰叔父不稱伯者以州牧之禮命之故稱叔也然晉既稱叔父所以昭九年云伯父惠公歸自秦而誘以來又云我在伯父猶衣服之有冠冕晉稱伯父者以晉既稱伯父又以晉為州牧又為二伯若以州牧為禮稱之則曰叔父若以一伯之禮稱之則曰伯父故晉或稱伯或稱叔也周公分陝為二伯詩稱王曰叔父者成王以本親命之晉文侯仇為伯尚書直云父義和不云伯者親親之也又二伯稱天子之老自敬以下曰寡人僖四年齊桓公對楚屈完稱不穀者謙也凡常諸侯皆稱寡人莊十一年宋災魯往弔之宋閔公稱孤者傳云列國有凶稱孤禮也以有凶災故降名稱孤自稱於諸侯曰天子之老係二伯若與九州及四夷之諸侯言已自謂天子之老係於天子言之以威遠國也於外同公者外者其私土采地之外也而猶在王畿之內如周公食邑於周嚮國外之人其自稱則曰公也於其國曰君者其國采地內也若與采地內臣民言則自稱曰君其既主分陝又在王朝嫌不正為采地君故

明之也不云自稱承上可知也。國稱之至畿內。正義曰自稱為公正在畿內耳畿外則曰天子之老也九州之長入天子之國曰牧。每一州之中天子

選諸侯之賢者以為之牧也周禮曰乃施典於邦國而建其牧。牧徐音目。天子同姓謂之叔父異姓謂

之叔舅於外曰侯於其國曰君。牧尊於大國之君而謂之叔父辟二伯也亦以此為尊禮或損之而益

謂此類也外自其國之外九州之中曰侯者本爵也二王之後不為牧。辟音同。九州至曰君。正義曰

據周禮也天子於每州之中選取賢侯一人加一命使主一州為牧若入天子國則自稱曰牧牧養也言

其養一州之人故周禮八命作牧是也然伯不云入天子國者伯不出故不言入耳州長云入曰牧出則否也崔靈恩云州長自稱也白虎通云往來牧視諸侯也。天子同姓謂之叔父異姓謂之叔舅者牧劣於二伯故天子謂之叔叔小也父舅義如前一云天子同姓然則二伯云其擯於天子曰天子之吏此不云擯於天子是記者畧之也故下云諸侯見天子鄭云為州牧則曰天子之老臣某侯某是也。於外曰侯者外謂其所封外九州內也自稱曰侯侯是本爵不云牧自稱承前可知也。於其國曰君者若與國內臣民言猶自稱為君也。○於其國曰君者若與義曰大國之君是侯使稱伯今選侯之賢者加一命為牧則是尊貴於不牧之侯而不謂為伯降呼為叔父者分陝已稱伯今牧若又呼為伯則亂於分陝若猶呼本稱則不見其異故呼為叔亦異常也云禮或損之而益謂此類也者崔云觀禮大國之君同姓謂之伯父異姓謂之伯舅此小者同姓謂之叔父異姓謂之叔舅此各當一國不嫌敵二伯州牧雖為侯封

皆是大國之君本自稱伯牧今總攝眾國嫌其敵義故更稱叔此是損也叔名雖損即是明其為牧故謂之為益故云損之而益謂此類也熊氏云三夫人致飲有醴清鬻醢糟不體王故申得二飲后致飲鬻醢糟以體王故屈二飲亦是損之而益之類也云二王之後不為牧知不為牧者以二王之後其爵稱公今此經云九州之長曰牧於外曰侯不言於外曰公故知二王之後不為牧用侯以下二王之後所以不為牧者以其先祖嘗為天子統領海內若更遣為牧恐有專權之心故也**其在東夷北狄西戎南蠻雖大曰子**謂九州之外長也天子亦選其諸侯之賢者以為之子子猶牧也入天子之國曰子天子亦謂之子雖有諸伯之地本爵亦無過子是

以同名曰子

禮

其在至曰子。正義曰此天子亦選其中賢者為之牧也但不知幾國立

禮記疏 卷之五 禮記正義

一人耳。卑不得名為牧。又不得謂為父舅。其本爵不過子男。若其本爵子者。今朝天子擯辭曰子。若本爵是男。亦謂為子也。所以爾者。舉其高者言之。亦尊異故也。不云入天子國。及不云擯者。畧可知也。故爾雅云。九夷八狄七戎六蠻。謂之四海。李巡注。四海遠於四荒。晦冥無形。不可教誨。故云四海也。海者晦也。言其晦暗無知。案爾雅所列。與此同。但數異爾。○國。謂九至曰子。正義曰。其或有功。益土雖加。侯伯之地。而爵不得進。終守子男。以卑遠故也。今於內自稱曰不穀。與民言之。謙稱穀善也。○謙稱於外自稱曰王老。威遠國也。外亦其戎狄之中。○於內至王曰謂其國之外。夷狄之中也。以為牧長。恐夷狄難服。須尊名威之。故與一切言。自稱曰我是天子之老。臣也。崔云。方伯牧稱天子之老。四夷之長。稱曰王老。方伯之職。帶三公之任。猶謂之內臣。化同天子。無有歸

往之義。故云天子之老。四夷之君去王遠。由有歸往之義。賢始得為長。故以王老為稱也。庶方小侯入天子之國曰某人。於外曰子。自稱曰孤。○謂戎狄子男君也。男者於外亦曰男。舉尊言之。○庶方至正義曰。庶衆也。小侯謂四夷之君。非為牧者也。以其賤。故曰衆方也。若入王國。自稱曰某人。若牟人介人也。六服之內。但舉伯之與牧。不顯其餘。諸侯九州之外。既舉大國之子。又舉其餘小國者。以六服諸侯下文別更其顯。故於此畧之。於外曰子者。此君在其本國。外四夷之中。自稱依其本爵。或子或男。今言子是舉其尊稱耳。若男亦稱男也。○自稱曰孤者。若自與臣民言。則曰孤。孤者。特立無德能也。凡二伯自稱及介。傳命曰天子之力。臣故曰玉藻云。伯曰天子之力。臣是也。若擯者。傳命於天子。則曰天子之吏。故此云擯於天子。則曰天子之吏。具也。於諸侯及朝廷。則曰天子之老。則此文及昭公十三年。劉獻公對晉叔向

禮記正義 卷之五 禮記正義

云天子之老，是也。九州之長，及介傳命，則曰某土之守臣某知者。玉藻云：若其擯者，傳命於天子，則曰天子之老。臣某侯某知者。約此文，天子之老及下文云：某侯某，其餘諸侯介傳命云：某土之守臣某知者。亦約玉藻文也。擯者，傳命云：某侯某知者。約下文也。凡九州之外，大國之子介傳命，某屏之守臣某故玉藻又云：其在邊邑曰某屏之守臣某是也。擯者告天子稱某子某與中國諸侯同。庶方小侯介傳命云：某土之孤某知者。玉藻云：小國之君曰孤是也。擯者告天子亦應云：某孤某知者。約尋常諸侯稱某侯某，但稱孤為異耳。其二伯以下對天子皆稱名也。

天子當依而立。諸侯北面而見天子。曰覲。天子當宁而立。諸公東面，諸侯西面。曰朝。諸侯春見曰朝，受摯於朝，受享於廟，生氣文也。秋見曰覲，一受之於廟，殺

氣質也。朝者，位於內朝，而序進。覲者，位於廟門外，而序入。王南面，立於依宁而受焉。夏宗依春，冬遇依秋。春秋時，齊侯唁魯昭公，以遇禮相見，取易畧也。覲禮今存，朝宗遇禮今亡。
○依本又作衆，同於豈反。註同。狀如屏風，畫為繡文，高八尺，見賢遍反。下文註除相見皆同。覲其斬反。宁徐珍呂反。又音備，門屏之間曰宁。夏戶嫁反。唁音彥。穀梁傳云：弔失國曰唁。天子至曰朝。正義曰：此一節論諸易以豉反。侯四時朝覲宗遇之法，各隨文解之。○天子當依而立者，依狀如屏風，以絳為質，高八尺。東西當戶牖之間，繡為斧文也。亦曰斧依，故覲禮云：天子設斧依於戶牖之間，左右几。天子袞冕負斧依。鄭註云：依如今綈素屏風也。有繡斧文，所以示威也。爾雅云：牖戶之間謂之辰。郭註云：窗東戶西也。依此諸解，是設依於廟堂戶牖之間。天子見諸侯，則依而

立負之而南而以對諸侯也凡諸侯朝王一年四時
 案宗伯春曰朝夏曰宗秋曰覲冬曰遇鄭註朝猶朝
 也欲其求之早宗尊也欲其尊王覲之言勤也欲其
 勤王之事遇猶偶也欲其若不期而俱至若通而言
 之悉曰朝從初受名覲禮云諸侯前朝皆受舍于朝
 又云乘墨車載龍旂孤鞞乃朝又春秋僖二十八年
 夏五月經曰公朝於王所知朝通名也但朝覲宗遇
 禮異耳案大行人云侯服歲壹見甸服二歲壹見男
 服三歲壹見采服四歲壹見衛服五歲壹見要服六
 歲壹見隨服更來周而復始然而六服分來又每方
 服別分爲四分一分朝春一分宗夏一分覲秋一分
 遇冬四方並然故鄭註云其朝貢之歲四方各四分
 趨四時而來或朝春或宗夏或覲秋或遇冬要服之
 外有夷鎮藩三服案大行人云九州之外謂之藩國
 世壹見鄭註云世謂父死子立及嗣王即位乃一來
 耳六服之中服數朝外又有四名一是時見曰會者
 若諸侯有不服者王將有征討之事若東方諸侯不
 服則與東方諸侯共討之若南方諸侯不服則與南

方諸侯共討之諸方皆然朝竟王乃爲壇於國外與
 之會盟春於國東夏南秋西冬北會則隨事無有定
 期有時而然故曰時見曰會也二曰殷見曰同者天
 子十二年一巡守或應巡守之歲而天下未平或王
 有他故不獲自行則四方諸侯並朝京師朝竟亦於
 國外爲壇以命之政事殷衆也其來既衆故曰殷見
 曰同也三曰時聘白問者謂王有事諸侯非朝王之
 歲不得自來遣大夫來聘因而問王起居此亦無常
 期故曰時聘曰問也四曰殷覲曰視者謂元年七年
 十一年唯聘有侯服來朝朝者既少諸侯遣卿大夫以
 大禮來聘聘者既衆故曰殷也覲亦見也爲來見王
 起居故曰覲也殷覲亦並依時春東夏南秋西冬北
 各隨方逐時但殷覲亦並依時春東夏南秋西冬北
 其殷同四方四時分來如平時也鄭既云四時分來
 如平時而前六服初時唯云四時雖不言四時後又
 云四方各分趨四時明其同也然所以殷覲不須分
 見四時者小禮不須更見四時法也天子當依而立
 是秋於廟受覲禮也諸侯來朝至於近郊王使大行

禮記疏 卷之五 人皮弁用璧以迎勞之諸侯亦皮弁從使者以入天子賜舍諸侯受舍聽天子之命其朝日未出之前諸侯上介受舍于廟門外同姓西面北面異姓東面北天子至朝日質明諸侯裨冕先釋幣於其齊車之行主天子袞冕在廟當依前南面而立不迎賓諸侯自廟門外位天子使上擯進諸侯者卑見於尊奠贊不授也擯者命升西階親授諸侯於是坐取圭玉升堂王受玉是當依而立之時也諸侯北面而見天子曰覲者王既受玉而諸侯降階並北面再拜稽首擯者延之使升成拜是北面曰覲時所以同北面者覲遇秋冬陰氣質斂故不布散○天子當寧而立者此為春夏受朝時也寧者爾雅云門屏之間謂之寧郭註云人君視朝所寧立處李巡云正門內兩塾間曰寧謂天子受朝於路門外之朝於門外而寧立以待諸侯之至故云當寧而立也然路門外有屏者即樹塞門是也爾雅云正門謂之應門又云屏謂之樹李巡云字當門自蔽名曰樹郭云小牆當門中今案李郭二註

禮記疏 卷之五 以推驗禮文諸侯內屏在路門之內天子外屏在路門之外而近應門者也○諸公東面諸侯西面曰朝者王既立寧諸侯次第而進諸公在西諸侯在東而朝王陽氣文也故因文而分布也崔云地道貴右公故在西也然此是春朝也先受朝竟然後入廟受享也○諸侯至今亡○正義曰庭實受之於廟生氣也○諸侯至今亡○正義曰庭實受之於廟生氣也云秋見曰覲一受之於廟一併朝享皆廟受之殺氣質也此陰殺之時其氣質斂故并於一處受之也云朝者位於內朝而序進者此內朝即路門外朝也對臯門內三槐九棘之外朝故稱內也若對路寢庭朝又為外故文王世子云朝於外朝則以官是也崔云諸侯春夏來朝各乘其命車至臯門外陳介也天子車時在大門內傳辭既訖則乘車出大門下車若升朝之時王但迎公自諸侯以下則隨之而入更不別迎也入至文王廟門天子還服朝服立於路門之外諸侯更易服朝服執贊而入應門而行禮故王當寧以待諸侯次第而進故云序進謂入應門諸公東面

諸侯西面若熊氏之義則朝無迎法唯享有迎諸侯
 之禮案覲禮諸侯乘墨車而入朝鄭云墨車者大夫
 制也入天子之國車服不可盡同也云覲者位於廟
 門外而序入者其宿受位次在廟門外至朝之旦秋
 冬王不出迎其尊卑各在其次中未得相見聽上擯
 進之乃於位次第而入故云序入也云王南面立於
 依寧而受焉者二處皆南面也云春秋時齊侯唁魯
 公以依禮相見取易畧也者此引證宗依朝遇依覲
 非唯竝之為異其禮有難易繁省之殊也穀梁傳曰弔失
 國曰唁魯昭公伐季氏不勝而出故春秋昭二十
 五年九月公孫於齊於陽州齊侯唁公於野井公羊
 云以人為菑以辟為席以鞶為几以遇禮相見是也
 分六年五服隨服而朝則六年一遍此鄭康成之義尚書
 六年一朝會京師而朝而孔註云五服一朝侯甸男采衛六
 年一聘以志業間朝以講禮再朝而會以昭十三年左傳云歲
 聘以顯昭明以為諸侯三年一朝六年一會十二年一

盟是周之正朝法也其大行人依服數見者是諸侯
 遣使貢獻而見耳知覲在廟者此云當依而立觀禮
 又有負斧依及侯氏入廟門告聽事鄭註云告王以
 國所用為罪之事大行人云廟中將幣三享故也知
 在文王廟者聘禮云不腆先君之祧明天子受覲於
 廟之祧可知也又案覲禮同姓西面異姓東面鄭註
 分別同姓異姓者受之將有先後也則是覲禮之法
 先同姓後異姓若然案檀弓註云朝覲爵同同位則
 爵尊先見覲禮見不同者二文雖異其意則同就爵
 同之中先受同姓之朝周之盟會亦先同姓也故定
 四年祝佗稱踐土之盟載書云晉重魯申蔡甲午鄭
 捷齊潘鄭雖小國而在齊上故隱十一年傳云周之
 宗盟異姓為後若楚爭先楚人先敵是也必知然者案
 七年宋之盟晉楚爭先楚人先敵是也必知然者案
 杜預釋例云若王官之伯主盟異姓為後其餘則否
 也凡天子三朝其一在路門內謂之燕朝大僕掌之
 故大僕云王抵燕朝則正其位文王世子云公侯朝
 於內朝親之也此則王與宗人圖其嘉事及王退侯
 禮已充

大夫之朝也。其二是路門外之朝，謂之治朝。司士掌之。故司士云：正朝儀之位，王南鄉，三公北面，東上，孤東面，北上，卿大夫西面，北上，王族故士、虎士在路門之左，南面，西上，此是每日視朝之位。其王與諸侯賓射，亦與治朝同。故射人云：三公北面，孤東面，卿大夫西面，諸侯在朝，則皆北面。不云王族，故士、虎士、大僕、大右者，文不具耳。不云士者，鄭註云：此與諸侯射，士不與。案諸侯大射，士立於西方東面，是天子大射，士亦預禮也。其三是臯門之內，庫門之外，謂之外朝。朝士掌之。故朝士云：左九棘，孤卿大夫位焉，右九棘，公侯伯子男位焉。面三槐，三公位焉。此是詢衆庶之朝也。凡朝三公北面者，以其貴。臣答王之義也。孤及諸侯東面者，尊之。故從賓位，卿大夫西面者，君之臣子統於君也。士門西東面者，以其卑賤。故外之。其外朝，孤與士、辟諸侯，故就東方西面同其位。案燕禮云：卿西面，大夫北面，士門西東面。大射亦然。知諸侯有路門外朝者，案玉藻云：君朝服，日出而視朝，退適路寢，是也。其

外詢衆庶之所。經雖無文，亦當與天子同。其位無三公及諸侯。當同燕禮大射之位。若然，周禮天子有射朝燕儀禮，諸侯有燕朝也。射雖無正朝，當與天子同。則天子諸侯皆三朝也。

諸侯未及期相見，曰遇。相見於郤地，曰會。諸侯使大夫

問於諸侯，曰聘。約信曰誓。涖牲曰盟。及至也。郤，閒

也。涖，臨也。坎用牲，臨而讀其盟書，聘禮今存。遇，會誓

盟禮亡。誓之辭，尚書見有六篇。徐力二反，又音類盟。

音明。徐音亡，幸反。郤，閒如字。又音。諸侯至曰盟。

閑，坎苦感反。徐又苦敢反。後同。正義曰：今若未

至前所期之日，及非所期之地，而忽相見，則並用遇禮相接。故曰：遇也。所以爾者，遇禮易畧。既期未至，故用簡易禮也。相見於郤地，曰會者，此謂及期之禮。郤，閒也。既及期，又至所期之地，則其禮閒暇。諸侯

使大夫問於諸侯曰聘者聘問也謂遣大夫往相存問。約信曰誓者亦諸侯事也。約信以其不能自和好。故用言辭共相約束。以為信也。若用言相約束以相見。則用誓禮。故曰誓也。鄭註司寇云約言語之約束也。○涖牲曰盟者亦諸侯事也。涖臨也。臨牲者盟所用也。盟者殺牲歃血誓於神也。若約束而臨牲則不得擅相與盟。唯天子巡守至方嶽之下。會畢然後乃與諸侯相盟。同好惡。獎王室。以昭事神。訓民事君。此國有疑。則盟詛其不信者。及殷見曰同。並用此禮。後至於五霸。則盟詛其道。卑於三王。有事而會。不協而盟。之為法。先鑿地為方坎。殺牲於坎上。割牲左耳。盛以珠槃。又取血盛以玉敦。用血為盟書。成乃歃血而讀。書知坎血加書者。案僖二十五年左傳云坎血而加書。又襄二十六年左傳云歃用牲加書是也。知用耳者。戎右職云贊牛耳。知用左者。以馘者用左耳故也。知珠槃玉敦者。戎右職云以玉敦碎盟。又玉府云則共珠槃玉敦。知口歃血者。隱七年左傳云陳五父及鄭

左氏下疑說字

下

伯盟歃如志。又襄九年云新與楚盟。口血未乾。是也。異義云禮約盟不令。春秋公羊說古者不盟。結言而退。故穀梁傳云詁誓不及五帝。盟詛不及三王。交質子不及二伯。且盟非禮。故春秋左氏云周禮有司盟之官。殺牲歃血。所以盟事神明。又云凡國有疑盟詛其不信者。是知於禮得盟。許慎謹案從左氏說。以太平之時。有盟詛之禮。鄭氏不駁。從許慎義也。盟詛不及三王。非鄭所用。然盟牲所用。許慎據韓詩云天子諸侯以牛豕。大夫以犬。庶人以雞。又云毛詩說君以豕。臣以犬。民以雞。又左傳云鄭伯使卒出豶。行出犬。雞以詛射。穎考叔者。又云衛姬盟孔。悝以豶。鄭云詩說及鄭伯皆謂詛小於盟。周禮戎右職云盟則以玉敦碎盟。遂役之。鄭註云役之者。傳敦血授當歃者。下云贊牛耳。桃茢。又左傳云孟武伯問於高柴曰。諸侯盟。誰執牛耳。然則盟者。人君以牛。伯姬盟。孔悝以豶。不人君也。皇氏以為春秋時盟。乃割心取血。故定四年。鑪金云。王割子期之心。與隨人盟。杜云當心前割取血。以盟。示其至心是也。○及至至六篇。○正

禮記

卷之五十一

禮記

義曰鄭註司盟云盟者書其辭於策殺牲取血坎其性加書於上而埋之謂之載書云聘禮今存遇會誓盟禮亡誓之辭尚書見有六篇者一曰甘誓夏啓伐有扈氏誓羣衆二曰湯誓謂湯伐桀誓羣臣也三曰泰誓武王伐紂度孟津誓救士衆之辭也四曰牧誓武王伐紂於牧野時所作五曰費誓徐戎作難魯侯伯禽誓羣臣與兵伐之也六曰秦誓秦穆公襲鄭不從蹇叔之謀果敗諸囟後穆公悔過與羣臣自誓也

諸侯見天子曰臣某侯某謂齊夫承命告天子辭也

其爲州牧則曰天子之老臣某侯某奉珪請覲音色

其與民言自稱曰寡人謙也於臣亦然

其在凶服曰適子孤凶服亦謂未除喪

祀內事曰孝子某侯某外事曰曾孫某侯某音的

者遠辟天子死曰薨亦史書策辭復曰某甫復矣

某甫且字既葬見天子曰類見代父受國類猶

象也執皮帛象諸侯之禮見也其禮亡言諡曰類

使大夫行象聘問之禮也言諡者序其行及諡所宜

其禮亡其行諸侯使人使於諸侯使者自稱曰寡

君之老繫於君以爲尊也此謂諸侯之卿上大夫

使於色諸侯至之老正義曰此一節明諸侯

吏反下同及臣稱謂之法各隨文解之諸侯謂

五等諸侯見天子而擯者將命之辭也同得稱臣故

曰臣也某侯某者若言齊侯衛侯下某是名若伯

子男則云曹伯許男某也謂齊至請覲正義

曰齊夫承命告天子辭也此註竝觀禮之文也鄭云

禮記卷之五十二

嗇夫蓋司空屬也為末攢承命於侯氏末介傳而上
 上攢以告於天子也音義隱云嗇夫主諸侯所齎幣
 帛皮圭之禮奉以白於天子也云其為州牧則曰天
 子之老臣某侯某者若為州牧既尊若來見故攢者
 加此四字也前州牧闕此故鄭補言之也云奉珪請
 覲是鄭意述攢者之辭文無所出也其與民言自
 稱曰寡人此亦自與民言法也寡人者言已寡德
 之人其在凶服曰適子孤者謂攢者告賓之辭知
 者雜記云相者告曰孤某須矣但彼文不云適子文
 不備此直云適子孤不云名亦文不具也稱孤稱名
 者皆謂父死未葬之前也故雜記云孤某須矣下則
 云既葬蒲席明孤某是未葬也凡諸侯在喪之稱公
 羊未葬稱子某者莊三十二年子般卒襄三十一年
 子野卒皆是君薨未葬稱子某也既葬稱子則文公
 十八年子惡卒經書子卒是也踰年稱君者則僖公
 十年里克殺其君卓及文公元年公即位是踰年稱
 君也謂臣子稱君也若其君自稱猶曰子故公羊傳
 文九年諸侯於其封內三年稱子是也案昭十一年

楚滅蔡執世子有其時蔡君已死其子仍稱世子者
 何休云稱世子者不許楚之滅蔡也猶若君存然故
 猶稱世子文十四年九月齊商人弒其君舍舍為君
 商人之弒也襄二十九年吳子使季札來聘先君未
 踰年吳稱子者賢季子故錄之桓十一年鄭忽出奔
 衛先君既葬而尚稱季子故錄之桓十一年鄭忽出奔
 也辭無所貶何休云直以喪降稱名無餘罪致貶凡
 以王事出會未踰年皆稱子僖九年會於葵丘宋襄
 公稱子僖二十八年會於踐土陳共公稱子定四年
 會召陵陳懷公稱子皆未踰年會王事而稱子也若
 未踰年非王事而稱爵者皆譏耳成四年鄭伯伐許
 是也從上以來皆公羊之義也其左氏之義君薨未
 葬未行即位之禮前稱子某子般子野是也其出會
 諸侯未葬之前稱子故僖九年左氏傳云凡在喪王
 曰小童公侯曰子蔡丘之會宋襄公稱子踐土之會
 陳共公稱子是也葬雖未踰年則稱君則晉里克弒
 其君卓齊商人弒其君舍是也文十八年子惡卒先
 君葬後稱子者杜預云時史畏襄仲不敢稱君故云

子也其王事出會則稱爵成四年鄭伯伐許是也案
 桓十三年經書衛惠公稱侯成十三年經書宋公衛
 侯此並先君未葬而稱爵者賈服註譏其不稱子杜
 預云非禮也僖二十五年會衛子莒慶盟於洮時先
 君已葬衛成公猶稱子者杜預云善其成父之志故
 上繫於父而稱子服虔亦云明不失子道成十年晉
 侯伐鄭時厲公父景公患未薨而厲公出會稱爵譏
 其生代父位不子也此皆左氏之義公羊以奚齊僖
 九年死卓子十年死以卓子踰年故稱君左氏公羊
 亦九年死但赴告在十年以葬後故稱君左氏公羊
 二傳不同也公羊以成四年鄭伯伐許非王事未踰
 年而稱爵譏之也左氏則以鄭伯伐許為王事雖未
 踰年得稱爵當與公羊異鄭駿異義從公羊義以鄭
 伯伐許為非禮及公羊未踰年為王事皆稱子即宋
 襄公稱子陳共公稱子是也左氏未踰年為王事皆
 稱爵鄭駿異義引宋襄公稱子從公羊說以為稱子
 禮也外事曰曾孫某侯某外事謂社稷山川在
 封內者也天子外事言嗣王其諸侯不得稱嗣侯但

未執玉

故將

稱會孫所以然者天子尊謂能繼天德而立也諸侯
 無德不繼嗣為侯故不云嗣但是父祖重孫故言曾
 孫也○死曰薨者此謂諸侯死而國史策辭也若異
 國史書之則但云卒也在四夷不言亦賤畧也自此
 以下皆然○國史書策辭○正義曰上文云天子
 崩書策辭今諸侯云薨故亦史策辭若告於諸侯則
 辭當謙退故雜記云赴於諸侯曰寡君不祿○復曰
 某甫復矣天子復則曰天子諸侯不可復云諸侯復
 故呼其字言某甫故鄭註前文諸侯呼字是也○既
 葬見天子曰類見○此諸侯世子父死葬畢而見於
 天子禮也類象也言葬後見於王而執皮帛以象諸
 侯見故曰類見然春秋之義三年除喪之後乃見而
 今云既葬者謂天子或巡守至竟故得見天子未葬
 未正君臣故雖天子巡守亦不見也○言諡曰類○
 言諡謂將葬就君請諡也凡諡既是表德故由尊者
 所裁當未葬之前親使人請之於天子若檀弓云其
 子成請諡於君曰日月有時將葬矣請諡所以易其名
 者是言諡於君也而曰類者王肅云請諡於天子必

象 象

又

將七

行止
猶有
自

辟

禮言

卷之五

汲古閣

以其實為諡類於平生之行也何胤云類其德而稱之如經天緯地曰文也鄭云使大夫來行聘問之禮也今案鄭旨謂吉時遣大夫行則曰聘今請諡使大夫不得曰聘而名曰類言類相聘而行此禮也故云言諡曰類也。使大至禮亡。正義曰言象聘問之禮者解經中類字言比類聘問之禮請諡於天子。諸侯至之老。玉藻云上大夫曰下臣擯者曰寡君之老則上大夫自名擯者曰寡大夫此云自稱曰寡亦曰寡君之老稱於已君則玉藻云下臣某。

天子穆穆諸侯皇皇大夫濟濟士嗒嗒庶人僬僬皆

行容止之貌也聘禮曰賓入門皇又曰皇且行者曰

衆介北面鏘鏘焉凡行容尊者體盤卑者體蹙。濟

反蹙本又作鶴或作鏘同士良反。天子至僬僬。子禮。蹙子妙反盤步丹反蹙子六反。正義曰此一節。

論天子至庶人行容之貌云天子穆穆者威儀多貌也天子尊重故穆穆威儀多也。諸侯皇皇者莊盛也。諸侯不及穆穆而皇皇莊盛。鄭註聘禮云皇皇莊盛也。大夫濟濟者濟濟徐行有節。大夫降於諸侯不得自莊盛但徐行而已也。士嗒嗒者鄭註聘禮云容貌舒揚也。衆鄭意則不得濟濟也。但舒揚而已。庶人僬僬者卑蓋之貌也。庶人卑賤都無容儀。竝自直行而已。崔云凡形容下不得兼上上得兼下。故詩有濟濟文王穆穆魯侯者。詩人頌美舉盛以言非對例也。聘禮至體蹙。正義曰引聘禮證皇皇是容儀也。此是入門時容也。又曰皇且行者又證行時容也。然皇是諸侯之容聘禮人臣而云皇者執玉入廟門得進其容亦如其君行禮宜已申也。若在本國則濟濟然云又曰衆介北面嗒嗒焉亦聘禮文也。衆介士也。卑故不得進容。猶蹙蹙而已云凡行容尊者體盤卑者體蹙。尊者體盤穆穆皇皇卑者體蹙蹙是也。

禮記

卷之五十五

禮記

以者也

天子之妃曰后后之言後也。非反。諸侯曰夫人非反。

夫之言扶。大夫曰孺人孺之言屬。而。士曰婦

人婦之言服。庶人曰妻。妻之言齊。公侯有夫人

有世婦。有妻。有妾貶於天子也。無后與嬪。去上中。

夫人貶皮檢反。自稱於天子曰老婦去羌呂反。自稱於天

子謂畿內諸侯之夫人助祭若時事見自稱於諸侯

曰寡小君謂饗來朝諸侯之時。自稱於其君曰小

童。自世婦以下自稱曰婢子小童若云未成人也。

婢之言卑也。於其君稱此以接見體敵嫌其當童本。

作僮子於父母則自名也名父母所為也。言子者通

男女列國之大夫入天子之國曰某士亦謂諸侯

之卿也。三命以下於天子為士曰某士者如晉韓起

聘於周擯者曰晉士起自稱曰陪臣某陪重也。直重

於外曰子子有德之稱。魯春秋曰齊高子來盟。

於其國曰寡君之老使者自稱曰某使謂

使人於諸侯也。某名也使自稱色吏反。註使。

至曰某正義曰。此一節論天子以下妃妾及臣子

稱謂之法各隨文解之。天子之妃曰后諸侯曰夫

配也判

禮記卷之五十六

言其

有姑

今公

以敵體
羊云

通有妃義故以妃字冠之以特牲少牢是大夫士之
 禮皆云某妃配某氏尊卑通稱也白虎通云后君也
 明配至尊為海內小君天下尊之故繼其王言之曰
 王后也。諸侯曰夫人者夫人之名唯諸侯得稱論
 語云邦君之妻邦人稱之曰君夫人是也。大夫曰
 孺人者孺屬也與人為親屬。孺之言屬。正義
 曰案爾雅云孺屬也。士曰婦人者婦之言服也服
 事其夫也其婦號亦上下通稱按春秋逆婦姜於齊
 是諸侯亦呼婦也穀梁傳云言婦通稱之辭言服事
 舅姑知通名也。庶人曰妻者妻之言齊也庶人賤
 無別稱判合齊體而已尊卑如此若通而言之則上
 下通曰妻故詩曰刑於寡妻是天子曰妻也周家大
 夫妻曰內子趙姬以叔隗為內子是也。公侯至有
 妾。正義曰獨言諸侯舉其上者餘從可知也既下
 於天子不得立后故但得一人正者為夫人。有
 世婦者謂夫人之姪娣故公侯之夫人無子立姪娣
 子也質家先立姪之子文家先立娣之子左氏亦夫
 人姪娣貴於二媵則此世婦者謂夫人姪娣也其數

九女

二人。有妻者謂二媵及姪娣也凡六人有妾者謂
 夫人之外更有妾鄭註云妾賤者不入百二十人數故
 知此妾不在九女之數也。夫人至婢子此夫人謂
 畿內諸侯之妻也其助祭於后得接見天子故得自
 稱也言老而服事也以畿外諸侯夫人無見天子之
 禮此云自稱於天子故註云畿內諸侯之夫人助祭
 若時事見謂若獻繭之屬。自稱於諸侯曰寡小君
 者此諸侯謂他國君也古者諸侯相饗夫人亦出故
 得自稱也知者坊記云陽侯殺繆侯竊其夫人故大
 饗廢夫人之禮於此之前有夫人饗法故註云謂饗
 來朝諸侯之時也君之妻曰小君而云寡者亦從君
 為謙也。自稱於其君曰小童者小童未成人之稱
 也其與夫言自謙稱為小童若未成人言無知也。
 自世婦以下自稱曰婢子者降於夫人故並自稱婢
 子賤故也婢之言卑也嚮其夫自稱言已卑故春秋
 晉懷嬴謂公曰寡君使婢子侍執巾櫛是也註云接
 見體敵嫌其當者為其接見之時誓有體敵嫌若當

燬絕之其

天子至是也。正義曰案僖二十四年天王出居於鄭公羊云王者無外此其言出何不能乎母也謂不能以孝事於母此鄭註天子言出大惡用公羊義也案春秋莊六年衛侯朔入於衛朔未為君之時與其母讒構世子伋及為君被逐出奔齊王立公子黔牟朔自齊而入衛以逐黔牟公羊云朔何以名絕曷為絕之犯命也謂犯王命鄭註以朔為大惡亦用公羊義也。諸侯失地名滅同姓名。春秋莊十年荆敗蔡師於莘以蔡侯獻舞歸公羊云何以名絕曷為絕之獲也此失地名也僖二十五年衛侯燬滅邢公羊云何以名絕曷為絕之滅同姓也此滅同姓名也故鄭總言之也。

為人臣之禮不顯諫。為奪美也顯明也謂明言其君

惡不幾微。為奪美也。三諫而不聽則逃之。逃去也君

臣有義則合無義則離。為人至逃之。正義曰案莊二十四年曹羈出奔陳

公羊傳云戎將侵曹曹羈諫曰戎眾以無義君請勿自敵也曹伯曰不可三諫不從遂去之何休云諫有五一日諷諫者案定十二年公羊傳云孔子以季氏之強謂季孫曰家不藏甲邑無百雉之城季孫聞之墮費邑是諷諫也何休又云二曰順諫曹羈是也即上諫曹君無以戎敵三諫不從遂出奔陳所謂以道事君不可則止此是順諫也何休又云三曰直諫子家駒是也案昭二十五年公羊傳云昭公將弑季氏不辟君僭而言之是直諫也何休又云四曰爭諫子反請歸是也案宣十五年公羊云楚莊王圍宋子反華元乘堙相對語華元謂子反云易子而食之析骸而炊之子反謂華元吾軍有七日之糧子反勸楚王赦宋而歸楚王不可子反頻諫不聽乃引師去楚王亦歸是爭諫也何休又云五曰臆諫百里子蹇叔子是也案僖三十三年公羊云秦穆公將襲鄭百里子與蹇叔子諫穆公不從百里子蹇叔子從其子而哭之是臆諫也凡諫諷諫為上臆諫為下事君雖主諫

禮記

卷之五十九

禮記

從

亦言

卷之五

湯古

爭亦當依微納進善言耳不得顯然明言君惡以奪君之美也。三諫不聽則逃之者聽猶從也逃猶去也。君臣有離合之義有義則合無義則離若三諫不聽則待放而去也。

子之事親也。三諫而不聽則號泣而隨之。至親無去

志在感動之。號泣而隨之。冀有悟而改之。然論語云事父母幾諫此不云者以其畧耳。檀弓云事親無犯相互耳。又云事君有犯故此論其微。檀弓言事親無犯此論其犯亦互言耳。故註云至親無去志在感動之。

君有疾飲藥臣先嘗之親有疾飲藥子先嘗之。嘗度

其所堪。度待。醫不三世不服其藥。慎物齊也。齊。

才細。君有疾飲藥至醫不三世不服其藥。正義。反。曰凡人病疾蓋以筋血不調故服藥以治之。

其藥不慎於物必無其徵故宜戒之。擇其父子相承至三世也是慎物調齊也。又說云三世者一曰黃帝針灸二曰神農本艸三曰素女脈訣又云夫子脈訣若不習此三世之書不得服食其藥然鄭云慎物齊也則非謂本艸針經脈訣於理不當其義非也。

儼人必於其倫。儼猶比也。倫猶類也。比大夫當於大

夫比士當於士不以其類則有所褻。儼魚起反。註。

儼人至其倫。正義曰儼比也。倫匹類也。凡欲比方於人當以類相並不得以貴比賤則為不敬也。

問天子之年對曰聞之始服衣若干尺矣。既不敢言

年又不敢斥至尊所能問國君之年長曰能從宗廟

社稷之事矣。幼曰未能從宗廟社稷之事也。問大夫

禮記疏

卷之五二十

及古

之子長曰能御矣。幼曰未能御也。問士之子長曰能
 典謁矣。幼曰未能典謁也。問庶人之子長曰能負薪
 矣。幼曰未能負薪也。皆言其能則長幼可知御猶
 主也書曰越乃御事謂主事者謁請也謂能擯贊出
 入以事請告也禮四十強而仕五十命為大夫
 至負薪也。正義曰此謂幼少新立之王或有遠方
 異域人來不知王年大小問朝廷之臣。對曰聞之
 始服衣若干尺矣者臣為答之必有法則禮齒露馬
 有誅而至尊體貴故臣不可輕言君年及形長短與
 才技所堪故依違而對也但云聞之謙不敢言見也
 云始服衣若干尺既不敢指斥即云服衣若干尺謂
 或五尺或六尺隨長短而言之也幼則衣短長則衣
 長問者聞之則知王之長幼也古者謂數為若干故

儀禮鄉射大射數射算云若干純若干奇若干也。干
 求也言事本不定常如此求之也故云若干也。問
 國君之年者亦謂幼少新立為君而他人問其臣也
 長曰能從宗廟社稷之事矣。幼曰未能從宗廟社
 稷之事也。不言聞之及衣而言所能主國者辟天子
 也。國係宗廟社稷故以所係答之也。人君十五有養
 子之禮長則能主國聞其能主國則知十五以上為
 長也。若聞未能主國則知十四以下是為幼也。問
 大夫之子者亦他國人問此大夫之子長幼於大夫
 之臣也。天子諸侯繼世象賢其年不定故問其年而
 大夫五十乃爵故不問大夫而問其子。長曰能御
 矣。幼曰未能御也。御謂主事也。官有世功子學父業
 故有御事之因也。舉其所能則長幼可知也。大夫子
 卑長幼當以二十為限也。問士之子者亦謂他國
 人來問此士之屬吏也。四十強而仕故問其子也。
 長曰能典謁矣。幼曰未能典謁也。謁請也。士之子年
 數長則言能主賓客告請之事。幼則言未能也。士賤
 無臣但以子自典告也。問庶人之子者庶人謂府
 禮已流 卷之五 二十一 及古問

禮言疏 卷之五 沈古階
 史之屬亦有同僚。或他國人問其同僚。府史熊氏云。庶人年無長幼。亦問其子者。順上大夫士而言之。長曰能負薪矣。幼曰未能負薪也。少儀云。問士之子。長幼。則曰能耕矣。幼則曰能負薪。未能負薪。謂士祿薄。子猶以能農事為業也。與此不同者。亦當有田無田之異。此所言之士。志是有田者。故子免耕。負薪而典。謂御事。是大夫禮。四十強而仕。五十命為大夫。曲禮文引之。釋所以不問大夫士庶人之身。而問其子之義也。以大夫士其年既定。故不假問其年。而問其子也。

問國君之富。數地以對。山澤之所出。問大夫之富。曰有宰。食力。祭器衣服不假。問士之富。以車數對。問庶人之富。數畜以對。皆在其所制。以多少對。宰邑士也。

食力。謂民之賦稅。數色主反。下數畜同。畜許國。至以對。正義曰。謂問諸侯之臣。求知其君封內土地所出也。云富者。非問其多金帛。正是問最所優饒者。也不問天子者。率土之物。莫非王有。天下共見。故不須問。而諸侯止一國。故致問也。數地以對者。數土地廣狹對之也。山澤之所出者。又以魚鹽蜃蛤金銀錫石之屬。隨有而對也。晉文公謂楚成王曰。羽毛齒革。君地生焉。是也。問大夫之富者。亦他國人問其臣也。曰有宰。食力者。答之也。宰邑宰也。有宰。明有采地。即公山弗擾為季氏宰是也。食力。謂食下民賦稅之力也。祭器衣服不假者。謂四命大夫也。衣服。服祭服也。若四命大夫。得自造祭器衣服。故云不假。若三命以下。有田者。造而不備。則假借也。問士之富。以車數對者。士有地不多。亦無邑宰。故其屬吏。但以其車數對也。上士三命。則得賜車馬也。副車隨命。中士乘棧車。無副車也。問庶人之富。數畜以對者。謂雞豚之屬。問師云。凡庶民不畜者。祭無牲。不耕者。禮已疏 卷之五 二十二 及古問

祭無盛不樹者無棹不蠶者不帛不績者不衰故以畜數對鄭註周禮云始養曰畜將用之曰牲引春秋云卜曰曰牲

天子祭天地祭四方祭山川祭五祀歲徧諸侯方祀祭

山川祭五祀歲徧大夫祭五祀歲徧士祭其先

四方謂祭五官之神於四郊也句芒在東祝融后土

在南蓐收在西玄冥在北詩云來方禋祀方祀者各

祭其方之官而已五祀戶竈中霤門行也此蓋殷時

制也祭灋曰天子立七祀諸侯立五祀大夫立三祀

士立二祀謂周制也。徧音遍本亦作遍下同句古

侯反芒音亡蓐音辱冥亡下反

云 仲 乃

禋音因霽。天子至其先。正義曰此一節論天子

力救反。以下祭祀尊卑不同并論神有廢置之

事各隨文解之。天子祭天地者祭天謂四時迎氣

祭五天帝於四郊各以當方人帝配之。月令春曰其

帝大皞夏曰其帝炎帝季夏曰其帝黃帝秋曰其帝

少皞冬曰其帝顓頊明為配天及告朔而言之其雩

祭亦然故月令孟夏云大雩帝為命祀百辟卿士既

云祀百辟卿士明五方人帝天子亦雩祀之其夏正

郊感生之帝周以后稷配之其於明堂總享五帝以

文王武王配之故孝經說文后稷為天地之主文王

為五帝之宗是也周人祭明堂時又兼以武王配之

故祭法云周人宗武王是也知方岳之神是崑崙者

案地統書括地象云地中央曰崑崙又云其東南方

五千里曰神州以此言之崑崙在西北別統四方九

州其神州者是崑崙東南一州耳於神州中更分為

九州則禹貢之九州是也其配地之神孝經緯既云

其

祀言正
 北五帝於四郊四望四類亦如之也。祭五祀者春
 祭戶夏祭竈季夏祭中霤秋祭門冬祭行也。歲徧
 者為五方之帝迎氣雩祀明堂及郊雖有重者諸神
 總徧故云歲徧。諸侯方祀者諸侯既不得祭天地
 又不得總祭五方之神唯祀當方故云方祀。祭山
 川者王制云在其地則祭之亡其地則不祭是也。祭
 大夫祭五祀者大夫不得方祀及山川直祭五祀而
 已。士祭其先不云歲徧者以士祭先祖歲有四時
 更無餘神故也。天子祭天地者天地有覆載大功天
 子主有四海故得總祭天地以報其功天神有六祭
 之一歲有九昊天上帝冬至祭之一也蒼帝靈威仰
 立春之日祭之於東郊二也赤帝熒怒立夏之日
 祭之於南郊三也黃帝含樞紐季夏六月土王之日
 亦祭之於南郊四也白帝白招拒立秋之日祭之於
 西郊五也黑帝汁光紀立冬之日祭之於北郊六也
 王者各稟五帝之精氣而王天下於夏正之月祭於
 南郊七也四月龍星見而雩總祭五帝於南郊八也
 季秋大饗五帝於明堂九也地神有二歲有二祭夏

至之日祭崑崙之神於方澤一也夏正之月祭神州
 地祇於北郊二也或云建申之月祭之與郊天相對
 冬至祭昊天上帝者春秋緯云紫微為天帝北極耀
 魄寶是也其配之人以帝嚳配之故祭法云周人禘
 嚳是也其五帝則春秋緯文耀鉤云蒼帝曰靈威仰
 赤帝曰赤熒怒黃帝曰含樞紐白帝曰白招拒黑帝
 曰汁光紀。祭四至制也。正義曰此經直言祭
 四方知非祭五天帝於四方者以上云祭天地則五
 帝在其中矣故知非天帝也案宗伯云禘辜祭四方
 百物知此方祀非四方百物者以此文在山川五祀
 之上與大宗伯血祭社稷互祀五嶽五祀在五嶽之
 上此四方亦在山川之上故知是五嶽五祀之神云
 后土在南方鄭意以為黎藿為后土土位在南方故
 知祝融后土在南引詩云來方禋祀者是小雅大田
 之詩以刺幽王之無道追論成王之時太平時和年
 豐至秋報祭招來四方之神禋祭祭祀引之者證四
 方之義也云五祀戶竈中霤門行者此月令文大宗
 伯五祀以為五官者以其在五嶽之上此五祀在山

禮記

卷之五 二十四

禮記

川之下又與大夫同祭故知是戶竈等云此蓋殷時制也者以天子諸侯大夫同云祭五祀既無差等故疑殷時制也案王制云大夫祭五祀文與此同而鄭云五祀謂司命也中雷也門也行也厲也與此不同者王制之文上云天子祭天地諸侯祭社稷大夫祭五祀既有尊卑等級疑是周禮故引祭法五祀以解之與此不同是有地大夫祭三祀

凡祭有其廢之莫敢舉也有其舉之莫敢廢也

為其瀆神也廢舉謂若殷廢農祀棄後不可復廢棄祀農也後有德者繼之不嫌也

復扶又反非其所祭而祭之名曰淫祀淫祀無福

妄祭神不饗亦作無福

凡祭至無福正義曰此明祭有常典不可輒擅廢興如殷時廢柱祀棄則後人不得復舉柱而祭

之也。有其舉之莫敢廢也者若已舉棄祀之後人不得復廢棄也。為其至不嫌也。正義曰農即柱也有農功故曰農也棄即后稷也為稷官故曰稷也尚書云棄黎民阻飢汝后稷是也云後有德者繼之不嫌也者鄭恐人疑之昔以舉柱何意廢柱祀稷乎故此解之者若後有德者繼之則不在今所言之也例

天子以犧牛諸侯以肥牛大夫以索牛士以羊豕

純毛也肥養於滌也索求得而用之

一本作純滌直的反養天子至羊豕。正義曰此牲官也徐又同弔反天子以犧牛諸侯以肥牛

大夫以索牛皆上得兼下下不得僭上故左傳云聖王先成民而後致力於神故奉牲以告曰博碩肥膾

是天子亦得以肥也又公羊云帝牲必在滌三月稷牛惟具稷有災故臨時得別求之是天子諸侯得有

禮記

卷之五

禮記

牲

牲

索牛。大夫以索牛，士以羊豕者，天子大夫士也。若諸侯大夫，即用少牢，士則用特牲，其喪祭大夫亦得用牛，士亦用羊豕，故雜記云：「上大夫之虞也，少牢，卒哭成事，祔皆少牢，是也。」據此，諸侯不得用犧牛，祭義云：「天子諸侯必有養獸之官，下云：犧牲，祭牲必於是，取之諸侯，有犧牲太牢者，諸侯對卿大夫亦得云：犧，若對天子則稱肥耳，其大夫牲體完全，亦有犧牲之稱，故上云：大夫犧賦為次，但不毛色純耳。」**肥**，養於滌也。正義曰：案楚語觀射父云：「大者牛羊必在滌三月，小者犬豕不過十日，然者即此大夫索牛，士羊豕既不在滌三月，當十日以上，但不知其日數耳。」

支子不祭，祭必告于宗子。

支子不祭，祭必告于宗子。**支子**，不敢自專，謂宗子有故，支子當攝而祭者也。五宗皆然。

支子，至宗子。正義曰：支子，庶子也。祖禰廟在適子之家，而庶子賤，不敢輒祭之也。若濫祭，亦是淫祀。祭必告于宗子者，支子雖不得祭，若宗子

有疾，不堪當祭，則庶子代攝可也。猶宜告宗子，然後祭，故鄭云：「不敢自專。」

凡祭宗廟之禮：牛曰一元大武，豕曰剛鬣，豚曰脂肥，羊

曰柔毛，雞曰翰音，犬曰羹獻，雉曰疏趾，兔曰明視，脯

曰尹祭，彘魚曰商祭，鮮魚曰艇祭，水曰清滌，酒曰清

酌，黍曰薶合，粱曰薶苳，稷曰明粢，稻曰嘉蔬，韭曰豐

本，鹽曰鹹鹺，玉曰嘉玉，幣曰量幣。**號**，牲物者異於

人用也。元，頭也。武，迹也。脂，亦肥也。春秋傳作脂，脂，充

貌也。翰，長聲也。羹，獻，食人之餘也。尹，正也。商，猶量也。

艇，直也。苳，辭也。嘉，善也。稻，菰蔬之屬也。豐，茂也。大，鹹

禮記疏 卷之五
 曰齏今河東云幣帛也。反。大武如字。一音泰。鬣力輒。本亦作豚。翰戶旦反。羹古衡反。徐又音衡。豪苦老反。乾魚。鮮音仙。艇肥。頂反。徐唐頂反。薺音香。合如字。或音閣。其字又作箕。同音姬。語辭也。王音期。期時也。稷曰明。案音谷。一本作明。梁古本無此句。蔬本又作疏。色魚反。韭音久。鹹本又作鹹。音咸。齏才何反。量音亮。又音良。作膾。徒留反。翰長如字。菰音孤。本又作菰。音同。凡祭至量幣。正義曰。此一節論祭廟牲幣告武者。元頭也。武迹也。牛若肥則脚大。脚大則迹痕大。故云一元大武也。豕曰剛鬣者。豕肥則毛鬣剛大也。王云。剛鬣言肥大也。豚曰脂肥者。脂即充滿貌也。言肥澤也。雞曰翰音者。翰長也。雞肥則其鳴聲長也。犬曰羹獻者。人將所食羹餘以與犬。犬得食之。肥可以獻祭於鬼神。故曰羹獻也。與犬犬得食之。趾足也。雉肥則兩足開張。趾相去疏也。音義隱云。雉

豐巴流 卷之五 二十七
 之肥則足疏。故王云。足問疏也。兔曰明視者。兔肥則目開而視明也。故王云。目精明皆肥貌也。然自牛至兔。凡有八物。唯牛云一頭而豕以下不云數者。皆從其所用而言數也。則竝宜云若干也。雞雉為膳及腊。則不數也。脯曰尹祭者。尹正也。裁截方正也。用之祭。一通云。正謂自作之也。脯自作則知肉之所商祭者。彘乾也。商量也。祭用乾魚。量度燥溼得中而用之也。鮮魚曰脰。祭者脰直也。祭有鮮魚。必須鮮者。煮熟則脰直。若餒則敗碎不直也。水曰清滌者。古祭用水。當酒謂之玄酒也。而云清滌。言其甚清皎潔也。樂記云。尚玄酒是也。酒曰清酌者。酌對酌也。言此酒甚清。澈可斟酌。當為三酒。未必為五齊。黍曰薺合者。夫穀秣者曰黍。秣既軟而相合。氣息又香。故曰薺合也。梁曰。薺其者。梁謂白梁黃梁也。其語助也。稷曰明。案者。稷粟也。明白也。言此祭祀明白。案呼粟為案。隋祕書監王劭。勘晉宋古本皆無。稷曰明

禮記正義卷之五
案一句立八疑十二證以為無此一句為是今尚書
云黍稷非馨詩云我黍與與我稷翼翼為酒為食以
享以祀然則黍稷為五穀之主是稷盛之貴黍既別
有異號稷何因獨無美名爾雅又云稷禮云明齊酒鄭
稷曰明稷正與爾雅相合又士虞禮云明齊酒鄭
註云或曰明齊當為明視謂免腊也今文曰明稷案
稷也皆非其次也如鄭言云皆非其次由曲禮有明
稷之文故註儀禮云非其次王劭既背爾雅之說
不見鄭玄之言苟信錯書妄生同異改亂經籍深可
哀哉。○**禮**號牲至幣帛。正義曰元頭也案釋詁文
元首首則頭也武迹也釋訓文春秋傳作膺者桓六
年左傳云博碩肥膺是也云羹獻食人之餘也者周
禮豪人云掌黍祭祀之犬是也尹正也嘉善也釋言
文此等諸號若一祭竝有則舉其人者姓牢酒齊而
言不應諸事皆道故少牢禮稱敢用柔毛剛鬣嘉薦
普淖是也或唯有雞犬或唯魚兔及水酒非鹽之祭
則各舉其美號故此經備載其名必知然者案士虞
禮祝辭云尹祭鄭註云尹脯也大夫士祭無云脯者

為人于偽反

補

天子死曰崩。諸侯曰薨。大夫曰卒。士曰不祿。庶人曰死。

今不言牲號而云尹祭亦記者誤矣如鄭此言明單用脯者稱尹祭以此推之餘亦可知也

禮異死名者為人喪其無知若猶不同然也自上顛

壞曰崩。薨顛壞之聲。卒終也。不祿不終其祿。死之言

漸也。精神漸盡也。○顛音偵。漸本在牀曰尸。○尸陳

也。言形體在也在棺曰柩。○柩之言究也。○柩音舊

也。天子至曰柩。○正義曰此一節論死後稱謂尊

也。卑不同之事各隨文解之。但生時尊卑著見可

識而死陰為野土。嫌若可棄而稱輕襲之故為制尊

卑之名則明其猶有貴賤之異也。○崩者墜壞之名

譬若天形墜壓然則四海必觀古之王者登假也則

率土咸知故曰崩。○諸侯曰薨者薨者崩之餘聲也

禮記正義卷之五 二十八

聲

也

汗

禮記

卷之五

禮記

而詩云蟲飛薨薨是聲也諸侯卑死不得效崩之形
 但如崩後之餘聲遠劣於形壓諸侯之死知者亦局
 也。大夫曰卒者卒畢竟也。大夫是有德之位仕能
 至此亦是畢了平生故曰卒也。士曰不祿者士祿
 以代耕而今遂死是不終其祿。庶人曰死者死者
 漸也。漸是消盡無餘之日。庶人極賤生無令譽死絕
 餘芳精氣一去身名俱盡故曰死。今俗呼盡為漸。即
 舊語有存者賤也。云崩薨異號至葬同者以臣子藏其
 君父安厝貴賤同也。在牀曰尸者尸陳也。古人病
 困氣未絕之時下置在地既病將死故下復其初生冀
 如此者凡人初生在地既病將死故下復其初生冀
 脫得死重生也。若其不生復反本牀既未殯斂陳列
 在牀故曰尸也。白虎通云失氣亡神形體獨陳是也
 言形體在也。在棺曰柩者柩究也。三日不生斂之
 在棺死事究竟於此也。白虎通云柩究也。久也不復
 變色然尸柩亦通名也。案曾子問云如小斂則子免
 而從柩此謂小斂舉尸在為柩也。春秋左
 氏傳贈死不及尸是呼未葬之柩為尸

羽鳥曰降四足曰漬

異於人也。降落也。漬謂相灑汗

而死也。春秋傳曰大災者何。大漬也。音絳。註同。漬辭

賜反。灑子廉反。汗穢汗。羽鳥至曰漬。鳥獸死異

之物。今云其降落是知死也。四足曰漬者。牛馬之屬

也。若一箇死則餘者更相染漬而死。今云其漬則知

死也。異於人耳。春秋傳曰大災者何。大漬也。公羊莊

二十二年夏齊大災。大災者何。大瘠也。大瘠者何。痢也。

註云痢者民疾疫也。然此云漬彼云瘠字異而意同者也。

死寇曰兵。異於凡人當饗祿其後祭王父曰皇祖考。

王母曰皇祖妣。父曰皇考。母曰皇妣。夫曰皇辟。更

設稱號尊神異於人也。皇君也。考成也。言其德行之

禮記疏

禮記疏

成也。妣之言媿也。媿於考也。辟法也。妻所取法也。妣。必履反。辟婢亦反。徐扶亦反。稱尺登反。死寇至皇。下之稱皆同。行下孟反。下同。媿普計反。辟。死寇。曰兵。謂父祖死君之寇而子孫為名也。言人能為國家捍難禦侮為寇所殺者謂為兵。兵器仗之名。言其為器仗之用也。故君恒祿恤其子孫異於凡人也。故鄭云當饗祿其後春饗孤子是也。祭王至皇。辟。此更為神設尊號亦廣其義也。王父祖父也。皇君也。考成也。此言祖有君德已成之也。王母曰皇祖妣者。王母祖母也。妣媿也。言得媿匹於祖也。父曰皇考。母曰皇妣者。義如上。祖父母也。夫曰皇辟者。辟法也。夫是妻所取法如君故言君法也。皇君至法也。正義曰。皇君也。考成也。辟法也。皆釋詁也。

生曰父曰母曰妻死曰考曰妣曰嬪曰嬪婦人有法度

者之稱也。周禮九嬪掌婦學之法。教九御。婦德。婦言。

婦容。婦功。三三至曰嬪。生時所稱也。不言祖及

曰嬪者。嬪婦人有法度之名也。前是宗廟之祭。加其

尊稱。故父母並曰皇也。此謂非祭時所稱也。嬪

婦至婦功。正義曰。周禮九嬪掌婦學之法。教九御

者。此證嬪有德之名。周禮以九嬪教宮內之婦人。學

四德也。謂九御者。自世婦以下。九九而御者也。嬪所

教不教。后夫人及世婦。唯教九御而已。云婦德。婦言

婦容。婦功者。此九嬪所教之事也。婦德謂貞順也。婦

言謂辭令也。婦容謂婉媿也。婦功謂絲枲也。此生

死異稱。出爾雅。文言其別於生時耳。若通而言之。亦

通也。尚書云。大傷厥考心。又云。聰聽祖考之彝訓。倉

頤篇云。考妣延年。又云。嬪于虞。詩大明云。曰

嬪于京。周禮九嬪之官。並非生死異稱矣。

壽考曰卒。短折曰不祿。祿謂有德行。任為大夫士而

不為者老而死從大夫之稱少而死從士之稱市設折

反任音壬壽考至不祿也。此並是有德未經仕而

又知字。死考之稱也。壽考也。短折少也。若有

德不仕老而死者從大夫之稱。故曰卒也。若少而死

者則從士之稱。故曰不祿也。有德至之稱。正義

曰。鄭知有德行任為大夫士而不為者。若實是大夫

士。前文已顯。今更別云卒與不祿。同大夫士之稱。故

知堪為大夫士而不為者。檀弓云。君子曰。終小人曰

死。與此不同者。此據年之老者。從大夫之稱。少者從

士之稱。檀弓不據年之老少。但據君子取終其成功。小人精神盡。與此別也。

天子視不上於袷。不下於帶。袷交領也。天子至尊。臣

視之。目不過此。及註同。袷音切。國君緩視。視國君

彌高。緩讀為妥。妥視謂視止於袷。妥他果反。大夫

交一作衣

上

慢

衡視。視大夫。又彌高也。衡平也。平視謂視面也。士

視五步。士視得旁遊目五步之中也。視大夫以上

上下遊目不得旁。遊如字。凡視上於面則教。教

則仰。教五下於帶則憂。憂則低。傾則姦。辟頭

旁視。心不正也。傾或為側。辟本或作。天子至則

曰。此一節論天子以下其臣視君尊卑有異之事。

天子視不上於袷者。袷謂朝祭服之曲領也。天子至

尊臣之所視不得上過於袷。過袷則慢。供奉至尊須

承候顏色。又不得下過於帶。若下過於帶則似有憂

戚不供其事。國君緩視者。國君諸侯也。妥下也。若

臣視君目不得平視於面。當視面下。袷上。既畢稍得

上視也。庾氏云。妥頽下之貌。前執器以心為平。故以

下為妥。此視以面為平。故妥下於面。則上於袷也。

禮記疏 卷之五 大夫衡視者，衡平也。人相看以面為平。若大夫之臣視大夫，平看其面也。故前云綏視，形大夫為言。士視五步者，若視大夫以上，唯直瞻上下，竝不得旁視。若上之屬吏視士，亦不得高面下帶，而得旁視左右五步也。凡視上於面，則教者此解，所以觀視有節限之義也。視人過高，則是教慢。定十五年，邾子執玉，高其容仰，高仰驕也。下於帶，則憂者若視過下，則似有憂，有憂頭低垂，定十五年，魯公受玉，卑其容俯，卑俯替也。又昭十一年，秋會於厥慙，單子視不登帶，是也。傾則姦者，傾欹側也。若視尊者而欹側，旁視流日東西，則似有姦惡之意也。

君命大夫與士肆。肆，習也。君有命，大夫則與士展習其事，謂欲肆所發為也。又作肆，同。以二反。在官言官，在府言府，在庫言庫，在朝言朝。唯君命所在，就展

習之也。官，謂版圖文書之處。府，謂寶藏貨賄之處也。庫，謂車馬兵甲之處也。朝，謂君臣謀政事之處也。昌慮反，下皆同。藏才浪反。賄呼罪反。字林音悔。朝言不及犬馬，非公議也。輟朝而顧，不有異事，必有異慮。心不正，志不在君，輟猶止也。劣反。輟竹。故輟朝而顧，君子謂之固。固，謂不達於禮也。在朝言禮，問禮對以禮。於朝廷言無所不用禮。君命至以禮。正義曰：此一節論臣事。君命謂君有敎命有所營為也。其大夫則與士先習學所為之事，備擬君之所使。在官言官者，此是君命所使之事，言猶議也。若君命之在官，則臣當展習言議在官之事。在府言府者，命之在府，亦當習議禮記疏 卷之五 三十二

禮記疏 卷之五 禮記疏 禮記疏
 在府之事也。在庫言庫者命之在庫亦隨而習議
 在朝之事也。在朝言朝者命之在朝亦隨而習議
 圖文書者與府相對。唯君至處也。正義曰：知官謂版
 官謂版圖文書故周禮內法治官府。朝言至以禮
 可知也。朝是謀於政教之處也。不宜私褻論議以及
 犬馬也。輟朝而顧不有異事必有異議者輟止也。
 異事非常之事。異慮非常之慮也。臣於朝矜莊儼恪
 視不流目。若忽止朝而迴顧。此若非見異事則心有
 異慮也。此由不先習也。故輟朝而顧。君子謂之固
 者。固陋也。若身無異事。心無異慮。忽止朝而顧。君子
 謂此為固陋。不達禮意也。魯哀公答孔子云：寡人固
 不固是也。固謂不達禮意也。在朝言禮問禮對以禮
 者。朝事既重。謀政不輕。殷勤誠之。言及問對則宜每
 事稱禮也。故鄭註於朝廷言無所不用禮。故論語云
 孔子謂顏回曰：非禮勿動。非禮勿言。非禮勿視。非禮勿聽。是也。

大饗不問卜

祭五帝於明堂莫適卜也。郊特牲曰：郊

血大饗腥。

反。適丁歷。腥音星。不饒富。富之言備也。備而已。

勿多於禮也。

大饗至饒富。正義曰：此大饗總祭

卜而已。不得每帝問卜。若其一問卜。神有各種恐
 吉凶不同。故鄭云：莫適卜。總一卜而已。不饒富者
 富之言備也。雖曰大饗諸帝。配以文武。然禮數有常
 取備而已。不得以其大饗豐饒。其物使之過禮。此經
 直云大饗。鄭知祭五帝於明堂者。以其上文云：不問
 卜。又與月令季秋大饗帝同。諸帝皆在。不得每帝問
 卜。若其禘之大饗。則周禮宗伯：享大鬼。皆卜。不得云
 不問卜。知非大禘也。鄭引郊特牲云：郊血大饗。腥者
 取大饗二字。以證此大饗之文。其實彼大饗文在郊
 下。謂禘祭也。然此祭五帝。莫適卜。而雩總祭五帝。得
 每帝問卜者。以雩祭為百穀祈雨。非一帝之功。故每
 帝適卜。至於大饗之時。歲功總畢。配以文武。祭報其

功不須每帝皆卜故唯一卜而已

凡摯天子鬯諸侯圭卿羔大夫鴈士雉庶人之摯匹童

子委摯而退摯之言至也天子無客禮以鬯為摯

者所以唯用告神為至也童子委摯而退不與成人

為禮也說者以匹為鶩摯音至徐之二反本又作贊同鬯敕亮反香酒摯匹依

註作鶩音野外軍中無摯以纓拾矢可也非為禮

之處用時物相禮而已纓馬繁纓也拾謂射鞬本又

作樊步丹反鞬徐音溝又古侯反一音古豆反婦人之摯棋榛脯修棗栗

婦人無外事見以羞物也棋榛木名棋枳也有實今

以一作之

則

邳邳之東食之榛實似栗而小

棋俱羽反榛側巾反字林云仕巾反木

叢也古本又作栗音壯巾反云似梓實如小栗也見賢遍反枳居紙反邳被悲反下邳也邳音談東海縣名

其氣芬芳調暢故因謂為鬯也天子無客禮必

用鬯為摯者天子弔臨適諸侯必舍其祖廟既至諸

侯祖廟仍以鬯禮於廟神以表天子之至故鄭註鬯

人亦然也諸侯圭者謂公侯伯也公侯伯用圭子

男用璧以朝王及相朝聘表於至也此唯云圭不言

璧者畧可知也。卿羔者鄭註宗伯云羔小羊取其

盡忠率下不黨也。白虎通云羔取其羣而不黨。卿職在

子被王命者各下其君一等公之子如侯伯執圭侯

伯之子如子男執璧子男之子命與未命者皆以皮

帛繼子男也。大夫鴈者鄭註宗伯云鴈取其候時

而行也。白虎通云鴈取飛有行列也。大夫職在奉命

適四方動則當以正道事君也。士雉者雉取性耿

介唯敵是赴。士始升朝，宜為赴敵，故用雉也。羔鴈生執，雉則死，持亦表見危致命。書云：「二生一死，是也。」故鄭註宗伯云：「雉取其守介而死，不失其節也。然白虎通云：雉取其不可誘之以食，撓之以威，死不可畜也。士行威，介守節死，義不當移。士擊冬雉，夏膽也。庶人之擊，匹者匹，鶩也。野鴨曰鶩，家鴨曰鶩，鶩不能飛，騰如庶人，但守耕稼而已。故鄭註宗伯云：鶩取其不飛，遷爾雅釋鳥云：舒鶩鶩，郭景純云：鶩音木，舍人及李巡云：鶩野鴨名，鶩家鴨名。某氏云：在野舒飛遠者為鶩。童子委擊而退者，童子見先生或尋朋友，既未成人，不敢與主人相授受，拜佞之儀，但莫委其擊於地，而自退辟之。然童子之擊，悉用束脩也。故論語云：孔子自行束脩以上，則吾未嘗無誨焉。是謂童子也。然凡用牲為擊，主人皆食之，故司士云：掌擯士者，膳其擊，鄭司農云：王食其所執羔鴈之擊，玄謂膳者入於王之膳人。○**射擊之至至也。**正義曰：鄭知然者，以上文云：天子臨諸侯，吟於鬼神，又聖人云：供介鬯，是天子於諸侯有告神之義。○野外軍中無擊以

用

纓拾矢可也。○謂人在野外軍旅之中，或應相見而無物可持為擊者，則不以舊禮當隨時所用。纓謂馬繁纓，即馬鞅也。拾射韝也。矢猶箭也。軍在野無物，故用此為擊可也。不直云軍中而云野外者，若軍在都邑中，則宜依舊禮，不可用軍物也。云若非軍中而在野外，亦曰時物，或纓拾之，徒隨所有也。舉一隅耳。觸類而長之，則若土地無正幣，則時物皆可也。婦人之擊，楨榛脯脩棗栗。○婦人無外事，唯初嫁用擊，以見舅姑，故用此六物為擊也。楨即今之白石李也。形如珊瑚，味甜美，榛似栗而小也。脯搏肉無骨而曝之，脩取肉鍛治而加薑桂乾之，如脯者，所以用此六物者，楨訓法也。榛訓至也。脯始也。脩治也。棗早也。栗肅也。婦人有法，始至修身早起肅敬也。故后夫人以下皆以棗栗為擊，取其早起戰栗自正也。必知以名為義者，案莊二十四年左傳云：女贄不過榛栗棗修，以告虔也。見榛是虔義之名，明諸物皆取名為義。案昏禮：婦見舅以棗栗見姑，以假脩其榛楨所用無文。

禮記

卷之五 三十五

禮記

論語孔子曰自行束脩以上

固不同 上國國 水禮勿視 一聽

禮言疏 卷之五 納女於天子曰備百姓於國君曰備酒漿於大夫曰備

婦灑國納女猶致女也婿不親迎則女之家遣人致

之此其辭也姓之言生也天子皇后以下百二十人

廣子姓也酒漿婦灑賤婦人之職國婦悉報反灑所

魚敬反賤婦人之職國納女至婦灑國正義曰納猶

本又有無婦字者國致也致者婿不親迎則女之

家三月廟見使人致之而為此辭姓生也言致此女

備土之后妃以下百二十人以生廣子孫故云姓也

之職也故送女而持此為辭轉卑不敢言百姓也詩

云無非無儀唯酒食是議是也國於大夫曰備婦灑

彌賤也國不敢同諸侯故不得言酒漿也唯及大夫不

及士者士卑故也諸侯功成得備八妾重國廣嗣也

○國納女至之職國正義曰成九年夏季孫行父如

宋致女此云納女故云納女猶致女也知婿不親迎
嫁女之家使人致女者以成九年二月伯姬歸於宋
時宋公不親迎故魯季孫行父如宋致女是也而天
子亦有親迎以否者異義云禮記說天子親迎左氏
說天子不親迎使上卿迎之諸侯亦不親迎使上大
夫迎鄭駁異義云文王迎大妣親迎於渭又引孔子
答哀公合二姓之好以繼先聖之後以為天地宗廟
社稷之主冕而親迎君何謂已重乎此天子諸侯有
親迎也若不親迎則
宜致女云備有姓也

禮記註疏卷第五終

禮記註疏卷第六

漢鄭氏註

唐孔穎達疏

檀弓上第三

也。陸曰：檀弓，魯人檀大丹反，姓也。鄭目錄云：名曰檀弓者，以其善於禮，故以名篇。正義曰：案

以顯之，姓檀名弓，今山陽有檀氏，此於別錄屬通論。此檀弓在六國之時，知者以仲梁子是六國時人，此篇載仲梁子故知也。案子游譏司寇惠子廢適立庶，又檀弓亦譏仲子舍適孫而立庶子，其事同，不以子游名篇，而以檀弓為首者，子游是孔門習禮之人，未足可嘉，檀弓非是門徒，而能達禮，故善之，以為篇目。

公儀仲子之喪，檀弓免焉。故為非禮，以非仲子也。禮

朋友皆在他邦，乃袒免。○公儀仲子，公儀氏仲子字，魯之同姓也。其名未聞，免音

問註同，以布廣一寸，從項中而前交。於額上，又卻向後繞於髻，袒音但。仲子舍其孫而

立其子。此其所立非也。公儀蓋魯同姓，周禮適子

死，立適孫為後。○舍音捨，下皆同。檀弓曰：何居？我未

之前聞也。居讀為姬姓之姬，齊魯之間語助也。前

猶故也。○居音姬，下同。趨而就子服伯子於門右曰：仲子舍

其孫而立其子，何也？去賓位，就主人兄弟之賢者

而問之。子服伯子蓋仲孫蔑之玄孫，子服景伯蔑魯

大夫。○蔑音芒，結反。伯子曰：仲子亦猶行古之道也。昔者文

王舍伯邑考而立武王，微子舍其孫臚而立衍也。夫

仲子亦猶行古之道也。伯子為親者隱耳，立子非

也。文之立武王，權也。微子適子死，立其弟衍，殷禮也。

○臚徐本作遁，徒本反。又徒遜反，衍以善反。為于偽反。下為晉禮為為師同。子游問諸孔

子。孔子曰：否。立孫。據周禮。否，絕句。孫，公儀至立

曰：此一節論仲子廢適立庶為檀弓所譏之事。公儀仲子而身今喪亡，檀弓與之為友，又非處他邦為之

著免，故為重服。譏其失禮，所以譏者。仲子適子既死，舍其適孫而立其庶子，檀弓居在賓位而言曰：何居？

居是語辭，言仲子舍適孫立庶子，是何道理乎？我未

之前聞，前猶故也。言我未聞故昔有此事，既言之後，乃從賓位趨而就子服伯子於門右，問之曰：仲子舍

其適孫而立庶子，是何禮也？伯子為仲子隱諱，乃言

禮記

卷之六

禮記

禮記

禮記

云疑文字

此云子服伯子疑當
公儀仲子
法

前言疏
曰仲子雖生周世猶上行古之道也言亦者餘人有
行古之道仲子亦如餘人故云亦也即引文王微子
之事為古之道也更繼之云仲子亦猶行古之道與
文王微子無異子游以此為疑問諸孔子孔子以仲
子周人當從周禮不得立庶子當立孫也○禮朋
友至袒免○正義曰知者喪服記云若他邦來還家
而無主猶為之免故鄭註云歸有主人乃止明無主
猶袒免也若朋友俱在家則弔服加麻加麻者素弁
上加總之環經若一在否亦然知者以云皆在他
邦乃袒免明不皆在者則否○公儀蓋魯同姓○
正義曰知者案史記魯相公儀休此云子服伯子是
魯人故疑魯同姓也知同姓者以春秋有公鳥公若
公儀同稱公故知同姓也○去賓至大夫○正義
曰案賓位之位隨主人而變小斂之前主人未忍在
主位有事在西階下則賓亦入門西階下西階下故
士喪禮君使人禭主人拜送拜賓即位西階下東面
鄭云未忍即主人位也小斂之後尸則出堂廉然後
有飾主人位則在阼階下西面賓弔者入門東於東

階下弔也故士喪禮小斂訖故士舉男女奉尸俛於
堂主人降自西階即位躡襲經于序東鄭云即位
東方位也則眾主人不接賓發初在東耳而檀弓之
來者當在小斂之前初于西階行譏弔而主人未覺
後乃趨嚮門右問伯子焉必知小斂前者以仲子初
喪即正適庶之位故也未小斂而著免者故為非禮
之弔亦異常也然則子游之弔惠子是小斂後也故
服衰而在門東故鄭云大夫家臣位在賓後又云在
門內北面云子服伯子蓋仲孫蔑之玄孫子服景伯
者案世本獻子蔑生孝伯孝伯生惠伯惠伯生昭伯
昭伯生景伯云蓋是諡伯是字也○文王之立武王
不同故云蓋景是諡伯是字也○文王之立武王
權也○正義曰案文王在殷之世殷禮自得舍伯邑
考而立武王而言權者殷禮若適子死得立弟也今
伯邑考見在而立武王故曰權也故中候云
發行誅紂且弘道也是七百年之基驗也

事親有隱而無犯
隱謂不稱揚其過失也無犯不犯

禮記疏

卷之六三

及古周

謂

喪

禮記

卷之六

禮記

顏而諫論語曰事父母幾諫左右就養無方

謂扶持之方猶常也子則然無常人

如字下同養服勤至死致喪三年

致謂戚容稱其服也凡此以恩為制

犯而無隱既諫人有問其國政者可以語其得失

若齊晏子為晉叔向言之

右就養有方不可侵官服勤至死方喪三年

喪資於事父凡此以義為制事師無犯無隱左右就

養無方服勤至死心喪三年

服也凡此以恩義之間為制

事親至三年

君及事師之法臣子著服之義各依文解之

犯至幾諫正義曰據親有尋常之過故無犯

大惡亦當犯顏故孝經云父有爭子則身不陷於

右至常人論語曰事父母幾諫是尋常之諫也

有左右僕從之官位此左右言扶持之謂子在親左

相右相而奉持之云子則然無常人然猶如是也

是子則須如是或左右奉持不常遣一人在左一人

勤者謂服持勤苦勞辱之事故云致謂戚容稱其服

也者致之言至上曲禮云五十不致毀與此同云凡

戚容稱其服也上曲禮云五十不致毀與此同云凡

此以恩為制者凡上三事對下君與師故云以恩為

制既諫至言之正義曰知既諫而後人有問

其國政可以語其得失者昭三年左傳云晏子謂景

公曰小人近市朝夕得所求景公曰子近市何貴何

禮記

卷之六

禮記

禮記疏 卷之六 賤於是景公繁於刑有鬻踊者故對曰踊貴履賤諫
景公重刑後及其聘晉與叔向言齊國之政將歸陳
氏景公厚斂焉陳氏厚施焉是既諫得言君之過若
其未諫而言君過則不可故昭三年子大叔如晉張
趯與子大叔言云火星中而寒暑退此其極也能無
退乎未會諫君輒言君德之退故傳云張趯有知其
猶在君子之後乎是其被譏也魯昭公取同姓孔子
不仕昭公既先諫所以論語稱孔子為昭公諱而稱
丘也過者聖人含弘勸獎學過歸己非實事也若史
策書理則不一若其良史直筆不隱君過董狐書趙
盾弑君及丹楹刻桷之屬是也若忠順臣則諱君親
之惡者春秋辟諱皆是故僖元年左傳云諱國惡禮
也○**禮**不可侵官○正義曰案成十六年左傳云晉
楚戰于鄆陵時欒書將中軍欒鍼為晉侯車右晉侯
陷於淖欒書將載晉侯鍼曰書退侵官冒也失官慢
也離局姦也時欒書棄元帥之任欲載晉侯是侵官
也故云不可侵官此謂君有平常小事若有危難當
致死故論語云事君能致其身○**禮**方喪資於事父

而

也寢室也

○正義曰方謂比方也謂比方父喪禮以喪君故云
資於事父資取也取事父之喪禮以喪君但居處飲
食同耳不能戚容稱其服○**禮**心喪至為制○正義
曰凡親有冥造之功又有生育之惠故懷哀戚之痛
同君衰服之限君則徒有榮身顯親之事而無冥造
生育之功故唯服麤衰表盡哀戚師則以恩愛成已
有同於親故不為制服故云心喪戚容如喪父為恩
愛成已故也云葬無服者既無親之冥造又無君之
榮顯故無服也云以恩義之間為制者無犯是同親
之恩無隱是同君之事親之義兼有親恩君義故言恩義之
間為制但子之事親本主恩愛不欲聞親有過惡故
有隱不欲違親顏色故無犯臣之事君利在功義若
有惡不諫社稷傾亡故有犯君
之過惡眾所同知故云無隱也

季武子成寢武子魯公子季友之曾孫季孫夙杜氏
之葬在西階之下請合葬焉許之入宮而不敢哭武

禮記疏 卷之六 五

也

禮記

卷之六

汲古閣

子曰合葬非古也自周公以來未之有改也

夷人冢墓以為寢欲文過之合如字徐音閣後合葬

皆同文如吾許其大而不許其細何居命之哭

此者善其不奪人之恩記

夷人冢墓為寢欲文過之事各隨文解之武子

至孫風正義曰案世本公子友生齊仲齊仲生無

逸無逸生行父行父生風風是公子友曾孫也

自見至文過正義曰言文過者武子自云合葬之

禮非古昔之法從周公以來始有合葬至今未改我

成寢之時謂此冢墓是周公以前之事不須合葬故

我夷平之以為寢不肯服理是文飾其過先儒皆以

杜氏喪從外來就武子之寢合葬與孔子合葬於防

同又案晏子春秋景公成路寢之臺逢於何盆成适

後喪並得附葬景公寢中與此同也吾許至何居

云何居

子上之母死而不喪

吾許其大者聽之將喪而入葬是許其大不許其

細哭是細也何居居語辭既許其大而不許其細是

何道理故

白其母出不喪如字下同徐息浪反下放

諸子思曰昔者子之先君子喪出母乎曰然禮為

出母期父卒為父後者不服耳期居宜反本

不使白也喪之何也子思曰昔者吾先君子無所失

道道隆則從而隆道污則從而污污猶殺也有隆

有殺進退如禮隆力中反盛也污音烏下

同殺所戒反又所例反下同佞則安

禮記

卷之六

汲古閣

能。自予不能及。一云我也。又音餘。為伋也。妻者，是

為白也。母不為伋也。妻者，是不為白也。母故孔氏之

不喪出母。自子思始也。記禮所由廢非之。子思始

也。正義曰：此一節論于上不喪出母之事，各隨文

解之。禮為至服耳。正義曰：案喪服齊衰杖期

章，出妻之子為母，又云出妻之子為父後者，則為出

母無服。傳云：與尊者為一體，不敢服其私親，是也。子

思既在子，上當為出母有服。故門人疑而問之。云：子

之先君子謂孔子也。令子喪出母乎？子思曰：然。猶

如是也。言是喪出母故也。伯魚之母被出，死期而猶

哭，是喪出母也。子思至而汚，道猶禮也。言吾之

先君子無所失道，道有可隆則從而隆，謂父在為出

母宜加隆厚為之。若服道汚者，汚猶殺也。若禮可殺

則從而殺，謂父卒子為父後，上繼至尊，不敢私為出

母禮當減殺，則不為之著服。伋則安能者，子思自以

才能淺薄，不及聖祖，故云伋則何能。鄭云：自予不能及，予猶許也。自許不能及也。

孔子曰：拜而后稽顙，顙乎其順也。此殷之喪拜也。顙

順也。先拜賓，順於事也。地無容，顙徒回反。稽顙而

后拜，顙乎其至也。此周之喪拜也。顙至也。先觸地

無容，哀之至。顙音懇，惻隱之貌。三年之喪，吾從其

至者。重者尚哀戚，自期如殷可。孔子至至者。論

論殷周喪拜之異也。拜者主人孝子拜賓也。稽顙者

觸地無容也。顙然不逆之意也。拜是為賓，稽顙為已

前賓後已，各以為顙然而順序也。稽顙而后拜，顙

乎其至也者，顙惻隱之貌也。先觸地無容，後乃拜賓也

是為親痛深貌。惻隱之至也。三年之喪，吾從其至

者。孔子評二代所拜也。至者謂先稽顙後拜也。重喪

禮已充。卷之六七。

以

先

禮記卷之六 祭義第六
 禮所云主人拜稽顙似亦先拜而後稽顙者士喪禮既在周時明知先稽顙而後拜者若然士喪禮既且下檀弓云秦穆公使人弔公子重耳重耳稽顙而拜者以孔子所論皆先殷而後周今拜而後稽顙也周則杖期以上皆先稽顙而後拜而後稽顙也作殷之喪拜鄭知殷先拜而後稽顙周則杖期以下乃拜者以孔子所論皆先殷而後周今拜而後稽顙也且下檀弓云秦穆公使人弔公子重耳重耳稽顙而拜者以孔子所論皆先殷而後周今拜而後稽顙也

禮記卷之六 祭義第六
 禮所云主人拜稽顙似亦先拜而後稽顙者士喪禮既在周時明知先稽顙而後拜者若然士喪禮既且下檀弓云秦穆公使人弔公子重耳重耳稽顙而拜者以孔子所論皆先殷而後周今拜而後稽顙也周則杖期以上皆先稽顙而後拜而後稽顙也作殷之喪拜鄭知殷先拜而後稽顙周則杖期以下乃拜者以孔子所論皆先殷而後周今拜而後稽顙也

禮記卷之六
 云稽首頭至地也此即臣拜君之拜故左傳云天子
 在寡君無所稽首大夫於諸侯亦稽首故下曲禮云
 大夫之臣不稽首則大夫於君得稽首二曰頓首鄭
 曰頭叩地不停留地此平敵以下拜也諸侯相拜則
 然以其不稽首唯頓首也三曰空首鄭云頭至手所
 謂拜手也以其與拜手是一故為頭至手也此答臣
 下之拜其敵者既用頓首故知不敵者用空首四曰
 振動鄭云戰栗變動之拜謂有敬懼故為振動故尚
 書泰誓火流為烏王動色變是也五曰吉拜者謂先
 作頓首拜後作稽顙故鄭康成註與頓首相近六曰
 凶拜者既重於吉拜當先作稽顙而後稽首七曰奇
 拜鄭大夫云奇拜謂一拜也鄭康成云一拜答臣下
 然燕禮大射公答再拜者為初敬之為賓尊之故再
 拜燕末無算爵之後唯止一拜而已八曰褒拜者鄭
 大夫云褒讀為報拜再拜也鄭康成云再拜拜神與
 三九曰肅拜者鄭司農云但俯下手今時揖是也介
 者不拜引成十六年為事故肅使者此禮拜體為
 空首一拜而已其餘皆再拜也其肅拜或至再故成

禮記卷之六
 十六年晉卻至三肅使此肅又謂婦人之拜
 故少儀云婦人吉事雖有君賜肅拜是也

孔子既得合葬於防防言既得者少孤不知其墓詩召

反下曰吾聞之古也墓而不墳墳墓謂兆域今之封

塋也古謂殷時也土之高者曰墳墳扶今丘也東

西南北之人也不可以弗識也於是封之崇四尺禮

東西南北言居無常處也聚土曰封封之周禮也周

禮曰以爵等為丘封之度崇高也高四尺蓋周之士

制識式志反又如字處昌孔子先反當脩虞事

門人後雨甚至後待封也孔子問焉曰爾來何遲

至上一有而字

也曰防墓崩。言所以遲者脩之而來。防墓防地也。防墓防地。防衛。孔子不應。以其非禮。對之應。三。三言之以。孔子不聞。反。又如字。孔子泣然流涕曰。吾聞之。古不修墓。修猶治也。反。泣音體。孔子至修墓。正義。修墓之事各依文解之。天子之墓一丈。諸侯八尺。其次降差以兩。今丘也。東西南北之人。也不可以弗識也。今既東西南北。不在鄉。若久乃歸。還不知葬之處。所故云。不可以不作封墳。記識其處。周禮至士制。正義曰。引周禮冢人云。高四尺。蓋周之士制者。其父梁紇。雖為大夫。周禮公侯伯之大夫。再命與天子中士同。云周之士制者。謂天子之士也。曰。防墓崩。防地之墓。新始積土。遇其雨而崩。庚。蔚云。防守其墓。備擬其崩。若如庚之言。墓實不崩。鄭何以言修之而來。孔子何以言古不修墓。違經肯註。

妄說異同非也。孔子泣然流涕。自傷。修墓違古。致令今崩。弟子重修。故流涕也。

孔子哭子路於中庭。寢中庭也。與哭師同。親之有人。

弔者而夫子拜之。為之主也。既哭。遣使者而問故。

使者自衛來赴者。故謂死之意狀。使色吏反。使。

者曰。醢之矣。時衛世子蒯聩。篡輒而立。子路死之。

醢之者。示欲啗食以怖衆。醢音海。蒯苦怪反。聩五。

出公輒之父。莊公也。篡輒初患反。輒出。遂命覆醢。覆。

覆棄之。不忍食。反。註同。覆芳服。此孔子至覆醢。正義曰。

明子路死之意狀。寢中至親之。正義曰。下文云。師吾哭諸寢。今哭子路於中庭。故云與哭師同。親。

之若其不親當哭於寢門外與朋友同故下云朋友
哭諸寢門外案奔喪云師於廟門外者謂周禮也下
文據殷法也。故謂死之意狀。正義曰案哀十
五年左傳云孔子聞衛亂曰柴也其來由也其死矣
則是預知所以進使者問故者以子路忠而好勇必
知其死難但不知其死之委曲更問之也。時衛
至怖衆。正義曰案哀十五年左傳云蒯瞶潛入孔
悝之家與伯姬迫孔悝於廁強盟之遂劫以登臺子
路入逐之至臺下且曰太子無勇若燔臺半必舍孔
叔太子聞之懼下石乞孟縶敵子路以戈擊之斷纓
子路曰君子死冠不免。註
云不使冠在地遂結纓而死。

曾子曰朋友之墓有宿艸而不哭焉。宿艸謂陳根也

為師心喪三年於朋友期可。期。曾子至哭焉。
子弟子姓曾名參字子輿魯人也宿艸陳根也艸經
一年陳根陳也朋友相為哭一期艸根陳乃不哭也

則

所以然者朋友雖無親而有同道之恩言朋友期而
猶哭者非謂在家立哭位以終期年張敷云謂於一
歲之內如聞朋友之喪或經過朋友之墓及
事故須哭如此則哭焉若期之外則不哭也

子思曰喪三日而殯凡附於身者必誠必信勿之有悔

焉耳矣三月而葬凡附於棺者必誠必信勿之有悔

焉耳矣言其日月欲以盡心修備之附於身謂衣

衾附於棺謂明器之屬。喪三年以為極亡。去

已久遠而除其喪。反。以為極亡。如字。極亡徐紀力

孫依鄭作亡。則弗之忘矣。則之言曾故君子有終

身之憂。念其親而無一朝之患。毀不滅性故忌

極已也 補

日不樂。謂死日言忌日不用舉吉事。又音洛。樂如字。
 子思至不樂。正義曰。此一節論喪之初死及葬送。隨文解之。三日而殯者。據大夫士禮。故云三日也。凡附於身者。謂衣衾也。夫祀必求仁者之粟。故送終之物。悉用誠信。必令合禮。不使少有非法。後追悔咎焉耳矣。若助旬之辭。三月而葬。凡附於棺者。必誠。必信。勿之有悔焉耳矣。者。三月而葬。亦大夫士禮也。附謂明器之屬。亦當必誠信。不追悔也。言其至之屬。正義曰。此言其日月欲以盡心修備之。鄭意。但言凡附身附棺自足。又更云三日。言棺中物少者。三日之期。家計可使量度。則必中。棺外物多。三月之餘。思忖必就。故言日月欲見宜慎也。云謂明器之屬者。案既夕禮。除明器之外。有用器弓矢耒耜兩敦。兩杆盤。匝燕樂器。甲冑干箠杖筮鬯等。故云之屬也。喪三年以爲極。亡。此亦子思語辭也。言服親之喪。以經三年以爲極。亡。可以弃忘。而孝子有終身。

之痛。曾不暫忘於心也。註云。則之言曾。故君子有終竟已身。恒慘念親。此則是不忘之事。雖終身念親。而不得有一朝之間。有滅性禍患。恐其常毀。故唯忌日不爲樂事。他日則可防其滅性。故也。所以不滅性者。父母生已。欲其存寧。若滅性傷親之志。又身已絕滅。無可祭祀。故也。謂死至吉事。正義曰。下篇子卯爲人君忌日。恐此忌日亦爲子卯。故云謂死日也。言忌者。以其親亡。忌難吉事。不舉之。

孔子少孤。不知其墓。孔子之父。邾叔梁紇。與顏氏之

女徵在野。合而生孔子。徵在恥焉。不告。又作邾。紇恨。

發反。徐胡切。殯於五父之衢。欲有所就而問之。孔

子亦爲隱焉。殯於家。則知之者無由怪已。欲發問。端

五父衢名。蓋邾曼父之鄰。父音甫。註及下同。衢求于反。爲如字。又于僞反。曼

禮記

卷之六

湯古閣

音萬人之見之者皆以為葬也。見柩行於路其慎也。

蓋殯也。慎當為引禮家讀然聲之誤也。殯引飾棺

以轉葬引飾棺以柳嬰孔子是時以殯引不以葬引

時人見者謂不知禮。轉七見反嬰所甲反。問於邾

曼父之母然後得合葬於防。曼父之母與徵在為

鄰相善。孔子至於防。正義曰此一節論孔子訪

父墓之處今母既死欲將合葬不知父墓所在意欲

問人故若殯母於家則禮之常事他人無由怪已故

殯於五父之衢欲使他人怪而致問於已外人見柩

行路皆以為葬但葬引柩之時飾棺以柳嬰其殯引

之禮飾棺以轉當夫子節其所引之棺以轉故云其

引也蓋殯也殯不應在外故稱蓋為不定之辭於時

邾曼父之母素與孔子母相善見孔子殯母於外怪

問孔子孔子因其所怪遂問邾曼父之母始知父墓

所在然後得以父母尸柩合葬於防。孔子至不

告。正義曰按史記孔子世家云叔梁紇與顏氏女

野合而生孔子鄭用世家之文故註言野合不備於

禮也若論語云先進於禮樂野人也及野哉由也非

謂艸野而合也但徵在恥其與夫不備禮為妻見孔

子知禮故不告言不知其墓者謂不委曲適知柩之

所在不是全不知墓之去處其或出辭入告總望本

處而拜今將欲合葬須正知處所故云不知其墓今

古不知墓處於事大有而講者誼誼競為異說恐非

經記之旨案家語云叔梁紇年餘七十無妻顏父有

三女顏父謂其三女曰鄉大夫身長七尺武力絕倫

年餘七十誰能與之為妻二女莫對徵在進曰從父

所制將何問焉父曰即爾能矣遂以妻之為妻而生

禮記

卷之六

湯古閣

在野合於家語文義亦無殊何者七十之男始取徵
 在灼然不能備禮亦名野合又徵在幼小之而嫁
 七十之夫是以羞慙不能告子又叔梁紇生子三歲
 而後卒是孔子少孤又與撰考之文禱尼丘山而生
 孔子於野合之說亦義理無妨鄭與家語史記並悉
 符同王肅妄生疑難於義非也○慎當至知禮○
 正義曰挽柩為引無名慎者以慎引聲相近故云慎
 當為引云禮家讀然者然猶如是也言禮家讀如是
 引字故大司徒云大喪屬其六引是讀引也云殯引
 飾棺以輔者案雜記云諸侯行而死於道其輔有綵
 緇布裳帷輔為赤色大夫布裳帷士葦席以為屋蒲
 席以為裳帷輔大夫以下雖無輔取諸侯輔同名故飾
 棺以輔云引葬飾棺以柳嬰者案喪大記云君龍帷
 黼荒黼嬰二黻嬰二畫嬰二大夫畫帷畫荒黻嬰二
 畫嬰二士布帷布荒畫嬰二在上曰荒
 在旁曰帷總謂之柩故云飾棺以柳嬰

鄰有喪春不相里有殯不巷歌皆所以助哀也相謂

以音聲相勸相息亮喪冠不綖綖本又去飾作綖同耳

有虞氏瓦棺起呂反始不用薪也有虞氏上陶陶大夏后

氏塋周火熟曰塋燒土冶以周於棺也或謂之土

周由是也弟子職曰右手折塋即周本又作塋同

同何云冶土為甗四周於棺燒叔招反折之設反管

子云左手執燭右手折塋即燭頭燼也弟子職其篇

名殷人棺槨槨大也以木為之言槨大於棺也殷

人上梓音郭梓音子周人牆置嬰牆槨衣也凡此

言後王之制文牆在周人以殷人之棺槨葬長殤

以夏后氏之塋周葬中塋下塋以有虞氏之瓦棺葬

無服之塋禮畧未成人長塋竹丈反下式羊反十

五為中塋八歲至十一為下塋七歲禮有虞至之塋

已下為無服之塋生未三月不為塋禮正義曰此

一節論棺槨所起及用棺槨之差各隨文解之

始不至上陶禮正義曰案易下繫辭云古之葬者厚

衣之以薪葬之中野不封不樹喪期無數後世聖人

易之以棺槨蓋取諸大過大過者巽下兌上之卦初

六在巽體巽為木上六位在巳巳當巽位巽又為木

二木在外以夾四陽四陽互體為二乾乾為君為父

二木夾君父是棺槨之象今虞氏既造瓦棺故云始

不用薪然虞氏瓦棺則未有槨也繫辭何以云後世

聖人易之以棺槨連言槨者以後世聖人其文開廣

遠探殷周而言喪期有虞氏則然故尚書云三載四

海邊密八音云有虞氏上陶者案考工記陶人造瓦

器故引之證瓦棺禮火熟至折塋禮正義曰火熟

既

鑿

者以弟子職云折燭之炎燼名之曰塋故知塋是火

熟者云燒土治以周於棺也者謂塋土為陶冶之形

大小得容棺故云燒土治以周於棺也云或謂之土

周由是也者曾子問云下塋土周於葬於園云由是者

燒土周棺得煥作土周引弟子職者證火熟曰塋之

意案管子書有弟子職篇云左手秉燭右手折塋鄭

云折塋者即是正除之義禮塋大至上梓禮正義

曰梓聲與寬廓相近故云大於棺也殷人上梓亦考

工記文引之以證塋也考工記又云夏后氏上匠於

塋周不引之者以匠無所不為非獨塋周而已故不

引也考工記又云周人上輿與非牆之事故於周人

牆置翬亦不引之也禮牆翬至制文禮正義曰案

喪大記註云在旁曰帷在上曰荒帷荒所以衣標則

以帷荒之內木材為標其實帷荒及木材等總名曰

標故縫人云衣翬標之材註云標之言聚諸飾之所

禮記

卷之六十五

禮記

又更於椽傍置柝置髮扇是後王之制以漸加文也
夏言后者白虎通云以揖讓受於君故稱后殷周稱
人者以行仁義人所歸往故稱人夏對殷周稱人故
言后見受之於君虞則不對殷周自五帝之內雖受
於君不須稱后也

夏后氏尚黑。以建寅之月為正物生色黑。正音征

大事斂用昏。昏時亦黑。此大事謂喪事也。斂力驗

戎事乘驪。戎兵也。馬黑色曰驪。爾雅曰。駉牝

驪牡玄。驪力知反。徐郎志反。純黑色。牲用玄。玄

黑類也。殷人尚白。以建丑之月為正物牙色白。大

事斂用日中。日中時亦白。戎事乘翰。翰白色馬

也。易曰。白馬翰如。翰字又作翰。牲用白。周人尚赤。

以建子之月為正物萌色赤。萌亡。大事斂用日

出。日出時亦赤。戎事乘騂。騂馬白腹。原騂音

求反。赤馬。牲用駉。駉赤類。駉息營反。徐呼營反。

夏后至用駉。止義曰。此一節論三代正朔所尚

色不同。各依文解之。夏尚黑。殷尚白。周尚赤。此

之謂三統。故書傳畧說云。天有三統。物有三變。故正

春秋緯元命包及樂緯稽耀嘉云。夏以十三月為正

息卦受泰。註云。物之始。其色尚黑。以寅為朔。殷以十

二月為正。息卦受臨。註云。物之牙。其色尚白。以雞鳴

為朔。周以十一月為正。息卦受復。其色尚赤。以夜半

為朔。又三正記云。正朔三而改。文質再而復。以此推

之。自夏以上。皆正朔三而改也。鄭註尚書三帛。高陽

豐已充。卷之六十六

氏之後用赤纒高辛氏之後用黑纒其餘諸侯用白
 纒如鄭此意卻而推之舜以十一月為正尚赤堯以
 十二月為正尚白故曰其餘諸侯用白纒高辛氏以
 十一月為正尚黑故云高辛氏之後用黑纒高陽氏
 以十一月為正尚赤故云高陽氏之後用赤纒有少
 皞以十一月為正尚白黃帝以十二月為正尚黑神
 農以十一月為正尚赤女媧以十二月為正尚白伏
 義以上未有開焉易說卦云帝出乎震則伏羲也建
 寅之月又木之始其三正當從伏羲以下文質再而
 復者文質法天地質法天正者正朔文質不相須也
 正殷質法天而為地正者正朔文質不相須也建子
 三而改文質以二而復各自為義不相須也建子之
 月為正者謂之天統以天之陽氣始生為下物得陽
 氣微稍動變故為天統建丑之月為地統者以其物
 已吐牙不為天氣始動物又未出不得為人所施功
 唯在地中含養萌芽故為地統建寅之月為人統者
 以其物出於地人功當須修理故謂之人統統者本
 也謂天地人之本也然王者必以此三月為正者以

其此月物生微細又是歲之始生王者繼天理物舍
 養微細又取其歲初為正朔之始既天地人之三者
 所繼不同故各改正朔不相襲也所尚既異符命亦
 隨所尚而來故禮緯稽命微云其天命以黑故夏有
 玄珪天命以赤故周有赤雀銜書天命以白故殷有
 白狼銜鉤是命之所命亦各隨人所尚符命雖逐所
 尚不必皆然故天命禹觀河見白面長人洛予命云
 湯觀於洛沈璧而黑龜與之書黃魚雙躍泰誓言武
 王伐紂而白魚入於王舟是符命不皆逐正色也鄭
 康成之義自古以來皆改正朔若孔安國則改正朔
 殷周二代故註尚書湯承堯舜禪代之後革命創制
 改正易服是從湯始改正朔也○昏時至事也○
 正義曰知大事是喪事者以其與斂文連故知大事
 是喪事也○爾雅曰駉牡玄謂七尺曰駉牝者色駉
 雅釋畜文駉牝駉牡玄謂七尺曰駉牝者色駉牡者
 色玄引之者證駉是玄之類也案庾人云八尺以上
 為龍七尺以上為駉六尺以上為馬凡馬皆有駉牡
 玄獨言駉者舉中以見上下明其諸馬皆然或爾雅
 豐已荒

其

皆當為盍盍何不也志意也重耳欲使言見譖之意
 重耳申生異母弟後立為文公○重直龍反註皆同
 子蓋依註音盍戶臘
 同反下世子曰不可君安驪姬是我傷公之心也註言
 其意則驪姬必誅也驪姬獻公伐驪戎所獲女也申
 生之母蚤卒驪姬嬖焉○蚤音早
 嬖必計反曰然則蓋行乎註
 行猶去也世子曰不可君謂我欲弑君也天下豈有
 無父之國哉吾何行如之註言人有父則皆惡欲弑
 父者○弑本又作煞音試註同徐
 云字又作嗣音同惡烏路反使人辭於狐突曰
 申生有罪不念伯氏之言也以至于死申生不敢愛

其死註辭猶告也狐突申生之傅舅犯之父也前此
 者獻公使申生伐東山臯落氏狐突謂申生欲使之
 行今言此者謝之伯氏狐突別氏○突徒忽反傳音
 富舅其九反臯古
 刀反雖然吾君老矣子少國家多難註子驪姬之子奚
 齊○少詩召反
 難乃旦反伯氏不出而圖吾君註圖猶謀也不
 出為君謀國家之政然則自臯落氏反後狐突懼乃
 稱疾○為于偽反
 下為時同伯氏苟出而圖吾君申生受賜而
 死註賜猶惠也再拜稽首乃卒註既告狐突乃雉經
○雉經如字徐古定
 反如雉之自經也是以為恭世子也註言行如此

禮記正義 卷之六
 可以為恭於孝則未之有。共。恭音共本亦作。至子
 也。正義曰此一節論獻公殺申生之事各依文解
 之。信驪姬之潛。正義曰案僖四年左傳云姬
 謂大子曰君夢齊姜必速祭之。大子祭於曲沃歸胙
 於公。公獵姬寘諸宮六日毒而獻之。公祭之地地墳
 與犬犬斃與小臣小臣亦斃。姬泣曰賊由大子又晉
 語云姬寘鴆於酒寘董於肉董謂烏頭是驪姬潛申
 生之事也。蓋皆至文公。正義曰此云蓋言子
 志及下蓋行乎以蓋非一故云皆當為蓋言重耳欲
 使言見譜之意者重耳欲使申生言見驪姬所譜之
 意左傳云或謂大子曰子辭君必辨焉杜預云以六
 日之狀自理謂毒酒經宿輒敗若申生初則置毒經
 六日其酒必壞何以經六日其酒尚好明臨至加藥
 焉云重耳申生異母弟者案莊二十八年左傳云晉
 獻公烝於齊姜生大子申生大戎狐姬生公子重耳
 是異母弟也。言其至嬖焉。正義曰案僖四年
 左傳云大子曰君非姬氏居不安食不飽君老矣吾

又不樂謂我若自理驪姬必誅姬死之後公無復歡
 樂故此云是我傷公之心云驪姬獻公伐驪戎所獲
 女也者莊二十八年左傳云初晉獻公伐驪戎驪戎
 男女以驪姬驪姬嬖生奚齊其娣生卓子是驪姬嬖
 也云申生之母早卒者以左傳云姬命大子祭齊姜
 是蚤卒也。使人至而死。時狐突謝病在晉都大
 子出奔曲沃於是狐突欲令大子出奔大子不用其
 言故今臨死使人辭謝告於狐突曰申生有愚短之
 罪不敢愛惜其身命出奔避禍今日被讐以至於死申
 命猶有所憂惜其君年老之幼死不受命雖然不惜身
 伯氏又謝病不出圖吾君之事吾以為憂伯氏誠能
 出外而圖謀吾君國家之事申生受伯氏恩賜甘心
 以死。前此至別氏。正義曰案左傳閔二年獻
 公使申生伐東山臯落氏狐突欲令申生行云雖欲
 勉之狄可盡乎下又云狐突欲行是狐突欲使之
 事言前此者此謂僖四年申生將死之時前謂閔二
 年伐臯落氏之時在前五年故云前臯落氏在晉都

禮記疏

卷之六 二十一

及古周

禮記疏 卷之六
 之東居在山內臯落氏杜預云是赤狄別種故云東
 山臯落氏云伯氏狐突別氏者既言辭狐突又云伯
 氏故云狐突別氏狐是總氏伯仲者是兄弟之字字
 伯者謂之伯氏字仲者謂之仲氏故傳云叔氏其志
 諸乎又下云叔氏專以禮許人是一人身字則別為
 氏也○圖猶至稱疾○正義曰圖謀釋詰文自臯
 落氏反後狐突懼乃稱疾者以經云伯氏不出而圖
 吾君故知稱疾必有所因反自臯落去此不遠知自
 臯落反而稱疾也○圖既告至雉經○正義曰雉牛
 鼻繩也申生以牛繩自縊而死也故鄭註封人云絳
 著牛鼻繩所以牽牛者也今時人謂之雉或為雉鳥
 耿介被人所獲必自屈折其頭而死漢書載趙人貫
 高自絕充而死申生當亦然也傳云申生縊死晉語
 申生使猛足辭於狐突乃雉於新成廟○圖言行至
 之有○正義曰春秋左傳云晉侯殺其世子申生父
 不義也孝子不陷親於不義而申生不能自理遂陷
 父有殺子之惡雖心存孝而於理終非故不曰孝但
 諡為恭以其順於父事而已諡法曰敬順事上曰恭

魯人有朝祥而暮歌者子路笑之○圖笑其為樂速○莫
 樂音洛 又音岳 夫子曰由爾責於人終無已夫三年之喪亦
 已久矣夫○圖為時如此人行三年喪者希抑子路以
 善彼○已夫音扶絕句 子路出夫子曰又多乎哉踰
 月則其善也○圖又復也○復扶 魯人至善也○正
 祥除衰杖之日不得即歌之事今各依文解之○魯
 人有朝祥暮歌者魯人不辨其姓名祥謂二十五日
 大祥歌哭不同日故仲由笑之也故鄭註笑其為樂
 速然祥日得鼓素琴○夫子至善也○夫子抑子路
 呼其名云由若人治喪不備三年各有可責今此人
 既滿三年爾尚責之女罪於人終無休已之時夫是
 此獨能行其美何須笑之時孔子抑子路善彼
 禮記疏 卷之六 二十二

禮言疏 卷之六 人既不當實禮恐學者致惑待子路出後更以正禮言之夫子曰魯人可歌之時節豈有多經日月哉但踰越後月即其善言歌合於禮案喪服四制祥之日鼓素琴不譏彈琴而譏歌者下註云琴以手笙歌以氣手在外而遠氣在內而近也

魯莊公及宋人戰于乘丘 十季夏 乘繩證反 縣賁

父御 卜國為右 縣卜皆氏也 凡車右勇力者為之

○縣音玄 卷內皆同 賁父上 馬驚敗績 驚奔失列

音奔下音甫 人名字皆同 公隊 佐車授綏 戎車之貳曰佐 授綏

本無驚字 乘公 隊直類反 公曰末之卜也 末之猶微哉言

綏息佳反 卜國無勇 縣賁父曰他日不敗績而今敗績是無勇

馬

也 公他日戰其御馬未嘗驚奔遂死之 二人赴

敵而死 圍人浴馬有流矢在白肉 圍人掌養馬者

白肉 股裏肉 圍魚呂反 股裏 公曰非其罪也 流

矢中馬非御與右之罪 中竹 遂誅之 誅其赴敵

之功以為諡 誡力軌 士之有誅自此始也 記禮

失所由來也 周雖以士為爵猶無論也 股大夫以上

為爵 上時 魯莊至始也 正義曰此一節論魯

之 戰於乘丘者 乘丘魯地 莊公十年夏六月齊師

宋師次于郎 公子偃曰宋師不整可敗也 宋敗齊必

還請擊之 大敗宋師于乘丘 齊師乃還 縣卜皆

氏也 正義曰知縣卜皆氏者此有縣賁父下有縣

禮記

禮記疏

卷之六 二十三

禮記疏

子瑱七十二弟子傳有卜商故知皆氏也。戎車之
 貳曰佐。正義曰案周禮戎僕掌倅車之政道僕掌
 貳車之政田僕掌佐車之政則戎車之貳曰倅此云
 佐者周禮相對為文有異若散而言之則田獵兵戎
 俱是武事故同稱佐車少儀註戎獵之副曰佐是也
 熊氏以為此皆諸侯法。公曰末之卜也者末微也
 之哉也言微弱伐此卜國也以其微弱無勇致使我
 馬敗績。○**國**二人赴敵而死。正義曰知二人者以
 卜國被責縣責文職掌馬事自稱無勇既序兩人於
 上即陳遂死於下明兩人俱死也。○**國**圍人至裏肉
 馬有圍是圍人掌馬也。云白肉股裏肉者以股裏白
 故謂之白肉非謂肉色白也。○**國**周雖至為爵。正
 義曰知周以士為爵者案掌客云凡介行人宰史皆
 有殮饗餼以其爵等為之牢禮之陳數凡介行人皆
 為士而云爵等是士有爵也。故鄭註大行人云命者
 五公侯伯子男爵者四孤卿大夫士云猶無諡也者
 以此云士之有誅自此始故知周士無諡也云殷大

夫以上為爵者案士冠禮云古者生無爵死無諡於
 士冠之下而為此記又不云諸侯大夫明生無爵死
 無諡據士也士冠禮是周禮而云古者故知是殷以上

曾子寢疾病**國**病謂疾困樂正子春坐於牀下**國**子春

曾參弟子曾元曾申坐於足**國**元申曾參之子童子

隅坐而執燭**國**隅坐不與成人竝音並絕句童子曰

華而皖大夫之簣與**國**華畫也簣謂牀第也說者以

皖為刮節目字或為刮漆也徐又音刮簣音責與音

餘下同畫衡賣反牀第上音牀下側吏反刮古滑反子春曰止**國**以病困不可

動曾子聞之瞿然曰呼**國**呼虛憊之聲下同曰呼音

斯下一有乃字

禮記

卷之六

禮記

虛註同吹氣聲也一音況曰華而皖大夫之簣與曾

子曰然斯季孫之賜也我未之能易也元起易簣

未之能易已病故也曾元曰夫子之病革矣不可以

變幸而至於旦請敬易之

後齊嘗聘以為卿而不為也革急也變動也幸覲也

○革紀力反徐又音極曾子曰爾之愛我也不如彼

彼童子也君子之愛人也以德成己之德細人

之愛人也以姑息息猶安也言苟容取安也吾何

求哉吾得正而斃焉斯已矣斃仆也

○斃音弊仆蒲北反又音

赴舉扶而易之反席未安而沒言病雖困猶勤於

禮○沒曾子至而沒○正義曰此一節論曾子臨

至為刮○正義曰比繪畫五色必有光華故云華畫

也云簣謂林第者爾雅釋器云簣謂之第云說者以

皖為刮削木之節目說者謂在鄭之前解說禮者說此皖

為刮削木之節目使其皖然好故詩云皖皖黃鳥

傳云皖皖好貌是也云字或為刮者謂禮記之本有

以皖字為刮云華而刮者故云字或為刮○未之

能易已病故也○正義曰言此未病之時猶得寢臥

既病之後當須改正以已今病氣力虛弱故時復一

時未能改易聞童子之言乃便驚駭○曾子至覲

也○正義曰知齊嘗聘以為卿者韓詩外傳云曾子

仕於莒得粟三秉方是之時曾子重其祿而輕其身

親沒之後齊迎以相楚迎以令尹晉迎以上卿方是

之時曾子重其身而輕其祿是以上卿為不為也

禮記

卷之六

禮記

者以三國文連舍帶為注耳且相即是上卿華急也
釋言云。曾子至已矣。曾參謂曾元曰。爾之愛我
也。不如彼童子是也。細小之人愛人也。必以善事成已
之德。則童子是也。吾今更何求焉。唯求正道。易換其簣
而即仆焉。斯已矣。者斯此也。已猶了也。此則正一世
事。了不陷於惡。故君子慎終如始。禮云。男子不死於
婦人之手。婦人死於男子之手。故春秋魯僖公薨
于小寢。譏即安也。成公薨于路寢。傳曰。言道也。他人
名已得呼為大夫之稱。而言夫子若已不為大夫。則
已所為當須依禮。不
得寢大夫之牀也。

始死充充如有窮既殯瞿瞿如有求而弗得既葬皇皇
如有望而弗至練而慨然祥而廓然
之貌也求猶索物
○慨苦愛反廓苦郭反
○何云開也索所白反
○始死至廓然

天下一有也字

正義曰此記人因前有死事遂廣說孝子形節也事
盡理屈為窮言親始死孝子匍匐而哭之心形充屈
如急行道極無所復去窮急之容也。既殯瞿瞿如
有求而弗得者殯斂後心形稍緩也。瞿瞿眼目速瞻
之貌求猶覓也。貌恒瞿瞿如有所失而求覓之不得
然也。既葬皇皇如有望而弗至者又漸緩也。皇皇猶
栖栖也。至葬後親歸草土孝子心形栖栖皇皇無所
依託如有望彼人來而彼人不至也。練而慨然者
轉緩也。至小祥但歎慨日月若馳之速也。廓然者
祥而廓然者至大祥而寥廓情意不樂而已。

邾婁復之以矢蓋自戰於升陘始也
戰於升陘魯僖
二十二年秋也時師雖勝死傷亦甚無衣可以招魂
○邾音誅婁力俱反或如字邾人呼邾聲曰婁故曰邾婁公羊傳與此記同左氏穀梁但作邾陘音形僖
許宜
魯婦人之鬢而弔也自敗於臺始也
敗於

豐已流 卷之六 二十六 敗古關

臺鮒魯襄四年秋也臺當為壺字之誤也春秋傳作

狐鮒時家家有喪鬢而相弔去纒而紒曰鬢禮婦人

弔服大夫之妻錫衰士之妻則疑衰與皆吉笄無首

素總○鬢側瓜反臺鮒上音胡下音臺去羌呂反纒

反下七雷反與音○紒反黑繒鞞紒音計錫衰上悉歷

招魂○正義曰魯僖公二十二年春伐邾取須句秋

八月及邾人戰于升陘左傳云邾人以須句故出師

公卑邾不設備而禦之臧文仲曰國無少不可易也

無備雖衆不可恃也先王之明德無不懼也況我小

國乎君其無謂邾小蜂蠆有毒而況國乎不聽公及

邾師戰于升陘是也○時師雖勝死傷亦甚者則傳

云我師敗績邾人獲公胄縣諸魚門是也鄭云此

解復之以矢之意以其死傷者多無衣可以招魂故

用矢招之也必用矢者時邾人志在勝敵矢是心之

所好故用所好招魂冀其復反然招魂唯據死者而

鄭兼云傷者以其雖勝故連言死傷以俠句耳若因

兵而死身首斷絕不生者應無復法若身首不殊因

傷致死復有可生之理者則用矢招魂左氏直言邾

公羊云邾婁者何休云夷言婁聲相近也○敗於

至素總○正義曰案左傳魯襄公四年冬十月邾人

伐鄆臧紇救鄆侵邾敗於狐鮒魯人怨而歌之魯襄

四年冬也此云秋鄭舉其初也云臺當為壺字之誤

也春秋傳作狐鮒者左傳云臧之狐裘敗我於狐鮒

我君小子朱儒是使朱儒朱儒使我敗於邾臧紇武

仲也言狐裘武仲所服也是時襄公年七歲微弱故

云我君小子也朱儒短人也臧武仲短小故云朱儒

云去纒而紒曰鬢者案士冠禮纒廣終幅長六尺所

與必以疑衰者案周禮司服有錫衰總衰疑衰錫衰
為上總衰次之疑衰為下案喪服大夫弔服錫衰喪
服小記云諸侯弔必皮弁錫衰則君弔大夫弔大夫相
弔皆錫衰其服同也錫衰之下但有總衰疑衰天子
弔諸侯皆以總衰弔大夫士以疑衰若諸侯弔大夫
以錫衰弔同姓之士總衰弔異姓之士疑衰故鄭注
文王世子云同姓之士總衰異姓之士疑衰以其士自相
弔如一皆疑衰故鄭注司服云舊說士弔服素委貌
冠朝服此士不以總衰為弔服者以總衰是士之喪
服不以弔也故注喪服云士以總衰為喪服其弔服
則疑衰也改其裳以素辟諸侯近庶人弔服而衣猶
非也疑衰變其裳以素耳以此言之是士弔服疑衰
素裳也故以為士妻弔服疑衰必知弔服夫妻同者
以喪服大夫命婦俱以錫衰弔故也云皆吉笄無首
素總者大戴禮文也

南宮縚之妻之姑之喪 南宮縚孟僖子之子南宮闔

大

也字子容其妻孔子兄女 緇闔音悅 夫子誨之髻曰

爾毋從從爾爾毋扈扈爾 誨教爾女也從從謂大

高扈扈謂大廣爾語助 毋音無後同從音總高也

也大也女音汝大音泰一音敕 蓋榛以為笄長尺而

總八寸 總束髮垂為飾齊衰之總八寸 榛側巾

士鄰反長直亮反凡度 南宮至八寸 正義曰此

長短曰長皆同此音 一節論婦人為舅姑服髻

與笄總之法 南宮縚之妻之姑之喪者之並是語

辭也南宮縚妻姑喪謂夫之母也 以是夫子兄之女

故夫子誨之作髻法 曰爾毋從從爾爾毋扈扈爾

者上爾為女下爾語辭言期之髻稍輕自有常法女

造髻時無得從從而大高又無得扈扈而大廣既教

以作髻又教以笄總之法其笄用木無定故教之云

豐已充 卷之六十八

蓋用榛木為筭其長尺而束髮垂餘之總垂八寸。南宮至兄女。正義曰：知孟僖子之子南宮闈者，案左氏昭七年傳云：孟僖子將卒，召其大夫云：屬說與何忌於夫子，以事仲尼，以南宮為氏，故世本云：仲孫獲生南宮緇，是也。云字子容，其妻孔子兄女者，論語云：以其兄之子妻之，是也。從從至大廣。正義曰：從從是高之貌，狀故楚辭：招隱云：山氣龍從兮，石嵯峨，則龍從是也。扈扈猶廣也。爾雅釋山云：卑而大扈，郭云：扈是廣貌也。此云無得高廣者，謂無得如斬衰高廣也。總束至八寸。正義曰：案喪服傳云：總六升，長六寸，謂斬衰也。故此齊衰長八寸也。以二寸為差也。以下亦當然。無文以言之，喪服：箭筭長一尺，吉筭長尺二寸，榛筭長尺，斬衰齊衰筭同一尺，降於吉筭二寸也。但惡筭或用櫛，或用榛，故喪服有櫛筭，故夫子稱蓋以疑之。

孟獻子禫縣而不樂，比御而不入。可以御婦人矣。尚

不復寢。孟獻子，魯大夫仲孫蔑。禫，大感反。比，必利反。下比及同。蔑，迷結。

反。夫子曰：獻子加於人一等矣。加猶踰也。孟獻子

矣。正義曰：此一節論獻子除喪作樂得禮之宜也。依禮：禫祭暫縣，省樂而不恒作也。至二十八日乃始作樂，又依禮：禫後吉祭，乃始復寢。當時人禫祭之後，則恒作樂，未至吉祭而復寢，今孟獻子既禫，暫縣省樂而不恒作，比可以御婦人而不入寢，雖於禮是常，而特異餘人，故夫子善之。云：獻子加於人一等矣，不謂加於禮一等，其祥禫之月，先儒不同。王肅以二十五月大祥，其月為禫。二十六日作樂，所以然者，以下云：祥而縞，是月禫。徒月樂，又與上文魯人朝祥而莫歌。孔子云：踰月則其善，是皆祥之後月作樂也。又間傳云：三年之喪，二十五月而畢。又士虞禮：中月而禫，是祥月之中也。與尚書：文王中身享國，謂身之中間。同。又文公二年冬，公子遂如齊納幣，是僖公之喪。至此二十六日，左氏云：納幣禮也。故王肅以二十五日。

禮言曰
 禫除喪畢而鄭康成則二十五月大祥二十七月而
 禫二十八月而作樂復平常鄭必以為二十七月禫
 者以雜記云父在為母為妻三年之喪乃祥禫同月
 為母為妻尚祥禫異月豈容三年之喪其為妻當亦不
 若以父在為母屈而不伸故延禫月其為妻當亦不
 申祥禫異月乎若以中月而禫為月之中間應云月
 中而禫何以言中月乎案喪服小記云妾耐於妾祖
 姑亡則中一以上而耐又學記云中年考校皆以中
 為間謂問隔一年故以中月為間隔一月也下云祥
 而縞是月禫徒月樂是也謂大祥者縞冠是月禫謂
 是此禫月而禫二者各自為義事不相干故論語云
 子於是日哭則不歌文無所繼亦云是日文公二年
 公子遂如齊納幣者鄭箴膏肓僖公母成風主婚得
 權時之禮若公羊猶譏其喪娶其魯人朝祥而算歌
 及喪服四制云祥之日鼓素琴及夫子五日彈琴不
 成聲十日成笙歌并此獻子禫縣之屬皆據省樂忘
 哀非正樂也其八音之樂工人所奏必待二十八日
 也即此下文是月禫徒月樂是也其朝祥算歌非正

樂歌是樂之細別亦得稱樂故鄭云笑其為樂速也
 其三年間云三年之喪二十五月而畢據喪事終除
 衰去杖其餘哀未盡故更延兩月非喪之正也王肅
 難鄭云若以二十七月禫其歲末遭喪則出入四年
 喪服小記何以云再期之喪三年如王肅此難則為
 母十五月而禫出入三年小記何以云期之喪二年
 明小記所云據喪之大斷也又肅以月中而禫案曲
 禮喪事先遠日則大祥當在下句禫祭又在祥後何
 得云中月而禫又禫後何以容吉祭故鄭云二十月
 月也戴德喪服變除禮二十五月大祥二十七月而
 禫故鄭依而用焉鄭以二十八月樂作喪大記何以
 云禫而內無哭者樂作矣以禫後許作樂者大記所
 謂禫後方將作樂釋其內無哭者之意非謂即作樂
 大記又云禫而從御吉祭而復寢間傳何以云大祥
 居服寢間傳所云者去室復寢宮之寢大記云禫
 而從御謂禫後得御婦人必待吉祭然後復寢其吉
 祭者是禫月值四時而吉祭外而為之其祝辭猶不
 稱以其妃配故士虞禮云吉祭猶未配○
 孟獻子

禮記卷之六十三

者若
者

鄭注履人云。約屨頭飾。總。是縫中。綢。純。綠。也。此有子蓋亦白履。以素絲為總。純也。
死而不弔者三。謂輕身忘孝也。畏。人或時以非罪

攻已。不能有以說之。死之者。孔子畏於佳。厭。行止

危險之下。○厭于溺。不乘橋船。○溺。死而不至。

正義曰。此一節論非。橫死不合。弔哭之事。○畏。謂

有人以非罪攻已。已若不有以解說之。而死者。則不

弔。鄭注引論語。以證之。明須解說也。案世家云。陽

虎嘗侵暴於佳。時又孔子弟子顏刻為陽虎御車。後

謂孔子為陽虎。因圍欲殺之。孔子自說。故佳人解圍

也。自說者。謂卑辭遜禮。論語注云。微服而去。謂身著

微服。潛行而去。不敢與佳人鬪。以婚悅之也。○厭。謂

行止危險之下。為崩墜所厭殺也。○溺。謂不乘橋船

而入水死者。何胤云。馮河潛水。不為弔也。除此三事

之外。其有死不得禮。亦不弔。故昭二十年。衛齊豹欲
攻孟繫。宗魯事孟繫。是時齊豹欲攻孟繫。宗魯許齊
豹攻之。不告孟繫。及孟繫被殺而死。宗魯亦死之。孔
子弟子琴張欲往弔之。孔子止之。曰。齊豹之盜。而孟
繫之賊。女何弔焉。杜預云。言齊豹所以為盜。孟
繫所以見賊。皆由宗魯。是失禮者。亦不弔也。

子路有姊之喪。可以除之矣。而弗除也。孔子曰。何弗除

也。子路曰。吾寡兄弟。而弗忍也。孔子曰。先王制禮。行

道之人。皆弗忍也。行道。猶行仁義。○弗除。如字。子

路聞之。遂除之。子路至除之。○正義曰。庚蔚云。子

路緣姊。無主。後。猶可得反服。推

已寡兄弟。亦有申其本服之理。故於降制已遠。而猶
不除。非在室之姊妹。欲申服過期也。是子路已事仲

尼。始服姊喪。明姊
已出嫁。非在室也。

